


夢林玄解


夢占九之十一



漢	九	七	一
書	六	二	〇
門	三	三	六
類	號	函	架
冊	架	函	號

內	九	一
閣	六	〇
文	三	六
庫	三	〇
類	號	冊
書	冊	架

內閣文庫		
番號	漢	9663
冊數	10	(6)
函號	306	10



夢林玄解卷之九

夢占

形貌部三

○○○肩脇類

肩脇
臟腑
精血
魂魄

腹背
腸胃
汗氣
尿糞

乳臍
肺肝
膀胱

腰腎
陽臀

心胸
陰谷

淺草文庫

兩肩生于耳上似無項大吉

體壯身強爵高祿重

杜畿夢衣錦坐危車遊黃河左沙坡懸鏡自照兩
肩高聳顏連胸乳似虎無項次日魏參軍拉飲帳
中畿語曰夜夢無項恐不祥參軍曰此乃威振邊
疆之象果為河東太守是時天下郡縣皆殘破河
東最先畿為守郡民

安物阜名振三國

斫肩吉

夢占

肩脇

一

夢占

占 警醒宜守之兆。其人干係必重。有禍必輕。求財大得。道路小心。若病中此夢。有神明解救得瘥。

肩生桃枝開一花

占 桃花淫賤。美玩也。夢者得美妾。生美女。壽增長。若孕婦夢之。生女不生男。

荷擔肩上 吉

占 任重之象。夢此為冢宰。為元帥。為族之長。為邑之主。諸事大吉。

貞婦張璋玉。未嫁時。嘗夢負荷重擔。寤告親曰。女子不出戶庭。夜夢荷擔肩上。恐驗在亂離。奈何。父曰。一家重負之兆。為媳婦者。正當然。後為庠生。視胤妻。生子文冕。胤卒。辟疆訓子。杜門不出。四十餘年。終始如一。子貴贈宜人。

立人肩上 元吉

占 此夢為人所尊而獨立不懼者。大貴之象。其侯王之兆乎。

肩上立人 吉

羊琇。夢人執鍾立于肩上。寤以訊母。母辛憲英曰。當為上人用。但必自思所立。後鍾會西征。以琇為參軍。會反于蜀。琇以全歸。

肩突出

占 肩者肱之本。其象為佐輔之人。夢此。其兆必佐輔我者。有突出之情。

兩肩受打痛極 大吉

占 夢之大得。人力之兆。學者得之。精神倍增。猛士得之。力長千斤。貧窮得之。有人扶助。衰病得之。氣旺。神清。

肩上生癰疽 吉

占 癰疽者。毒氣所聚。此夢乃兩間氣聚。壅積不散。佐輔躋躋富貴充足之象。

肩背生虫蛆 吉

占 此生氣旺動之象。蛆者裸蟲之屬。人爲裸蟲之長。夢此者。萬貫金錢。

蛇盤肩腹 大吉

占 蟒衣之象。若高年。衰病者。夢之不祥。

削去兩肩 凶

占 兩肩被削。如失左右手。幫貼無人。昆。丁有難。二體既傷。家國其何能保。

肩脊開闊平硬 大吉

占 寬和詭暢之象。夢者心平順。筋絡通。快爽開懷。遭逢剛健。諸事得調。大吉。

肩無力 凶

占 扶助者少也。諸事皆不祥。惟病者夢之不妨。若父母兄弟有患。而夢已無力。真惡夢也。

脇肋高聳

占 左肋高。右肋低。男強。女弱。右脇高。右脇低。弟感。兄衰。

加增肩骨 吉

占 兆主添益人口。夢中增兩骨。醒來骨髓充盈。自已生精。家內增添婢僕。更得人來助力。

肋骨細短 凶

占 此夢氣虛力減。財損用不足。家資窮敗。病加增。藥失其方。諸事差誤。

脇作鳴 吉

占 脇本無聲。聲在肺經。夢魂振動。有禍必輕。行人音信。學業長成。病宜調理。爭戰推城。

脇破出月 大吉

占 月爲太陰。金象也。婦人夢之。孕。日 秀貴也。文人夢之。顯貴高明。

夢占

肩脇

三

夢占

劍決左脇 大吉

唐肅宗吳后侍寢大魘秉燭呼之既寤后曰夢中有人金甲操劍曰上帝命吾與汝為子乃自左脇劍決而入痛甚難堪以燭照之若有赤痕孕生代宗

脇被鎗刺

貞吉 否凶

占 鎗屬金金為財利夢脇被刺協力受利之兆。惟不宜詞訟出行不宜爭鬪諸事皆吉無咎。

脇肋下生翼 吉

占 人生翼將上達夢脇下似飛虎文士登科武士得助孕婦生賢病者得逸。

脇肋鳥飛 凶

占 閒暇無事意亂心煩旁人調謊或有移遷若在病鄉魂飛麗天惟女子夢之必有喜事至。左道止母夢已脇化為鳥飛而上霄遂有雄生道止弱冠成名登顯仕後夢鳥飛入脇卒。

肋盡折 凶

占 肋不可折盡折無救。其故可知其情難究。

○○○腹背類

劍刺入腹 大吉

占 劍剛且利夢入腹而寤無傷身受刺而心惕。屬刺者東也此兆有謀盡忠有計盡義大吉。

腹上生毛 凶

漢遼西郡守趙苞夢腹生馬毛寤書于壁曰夢腹上生毛其將以馬草果尸矣次旦虜劫質其母以虜郡虜敗母被害苞曰殺母以全義何面目立于天下迺莖母于鄉母既莖嘔血而死。

剖腹見五臟分明 大吉

占 人身生于五陰死于五福得道于六賊失于六根。腹剖六根淨臟明五陰清且淨大吉兆也。

擊肚腹作鼓聲 吉

占 天下太平之兆。夢此。當有喜事至。若有
日 癡者夢之。病入腸胃為蠱膈之象。可治。
宋呂公權。夢向日鼓腹。聲如殿鼓。及旦。文宗召對
便殿。帝曰。卿有諍臣風。可屈居諫議大夫。有同寅
學士聞之曰。呂君夢腹作鼓聲。下
下大治矣。其將入相與。後果驗。

腹上有草 吉

占 草者乙木。為天乙。為文稿。為春芳。學者
日 有此必成貴士。若商人遠行。夢之凶。

鼠入腹中 凶

占 夢者主偷盜。明役暗。病大凶。
日 惟孕婦為產男。祥瑞兆也。

腹上生松 大吉

丁固夢一大松植于腹臍。或解之
日。松是十八公。後十八年當為公。

腹大垂 吉

占 腹大而垂。安享富貴之象。學者。包藏萬
日 卷。充盈有餘。老者排羅八珍。甘旨如意。

被人破腹 吉

占 腹被人開。五臟俱見。如遇
日 知心者。夢為禎祥之兆。

腹上有星宿文 貞吉

占 滿腹文章。育秀婦。產賢兒。佳祥燦
日 爛。夢無光輝。則似瘡痘疤之象。

水入腹中 凶

占 流動不安之物。而入藏垢納汗之中。夢者。主
日 寄跡山川扁舟江海也。孕婦夢之。尤為不祥。

滌腹

占 此兆。弗利于涉川。更防水火
日 之災。滌水入臍。必生蟲膈。

夢水

腹背

五

夢占

腹開穴見二小羊 凶

占 此夢為腥羶污穢之象。惟出家之人夢之。主得道。為人所信重。大吉。餘人夢之不宜。

腹生楓 吉

張志和母嘗夢于腹上生一楓樹。乃有娠。生志和。

腹上置書籍 吉

占 博學廣識之象。但看夢中。是何書。便見醒來何所用。

腹中蛇出 大吉

占 兆主文士已榜題名。平人破財。女人主其年生子。

少腹大于腰腹 大吉

占 少腹者。小腸膀胱之處。與心經為表裏。子孫性命所係。夢見此。上不同。後福廣厚也。

少腹開穴 凶

占 陽不足也。此男變為女之象。王莖受損之兆。夢此必為他人所欺。

少腹浸入水中 吉

占 腎旺則夢大水。腎虛則夢水涸。水浸小肚。潔淨和樂。無意中得財物之夢。娶婦得妻財。

人刺背 大吉

唐玄宗晝寢。夢人刺其背。驚寤。召高力士問之。力士曰。後面有良刺史。天下大治矣。必得諍臣入相。時韓休為相。峭直力諍。不干榮利。

背負重石

占 負荷非輕之兆。此夢立功任重。為人所憑。諸侯霸。仕令尹平安有事。關係宜盡力。

背裂 凶

占 國有艱危。家有變異。為臣盡忠。為子盡義。日 鰥寡親丁。孤獨奴婢。丐流夢吉。百路無忌。

滿背生瘡痛難忍 凶

宋宗澤之汴。舟中夢背生疥瘡。痛極。驚寤。曰。今後必有大禍。不二年。疽發于背而亡。

背上縛一木 凶

占 夢此是休囚困苦之象。日 諸事不利。宜急解鎮。

背上生日能視 吉

占 能見後人。日 獨孤后少夢背生兩目。父曰將來見富貴。可喜且賀。後果為皇后。

背有童子在兩膊中 凶

占 人之臟腑命門皆從膏盲出。膏盲在肩膊骨間脊骨之內。此兩穴在天為天根。在地為乾門。在國為

日 陵寢。為聖母。在家為家廟。在人為人所不見。不聞。手指所不及。藥力所不能引。

晉侯求醫于秦。秦伯使醫緩治之。未至。公夢二豎子。曰。彼良醫也。懼傷我。焉逃之。其一曰。皆膏之上。膏之下。若我何。醫至。曰。疾不可為也。在膏之上。膏之下。攻之不可達。針之不及。藥不至焉。公曰。良醫也。為之厚禮而歸之。

背上有虫行 吉

占 夢此多勞多怨。多利多財。虫。生意。生意出。于背後。勝于目前。諸事皆吉。惟病不宜。

蠅集背 凶

占 蒼蠅。紫蠅。翼鳴美聲。輕小華形。喙食易盈。日 奸邪小人。品類陰情。夢背集蠅。後禍難明。

背負羊車 吉

占 羊車本是絡中形。背脊巍巍向玉庭。日 引氣上昇由命穴。夢見神隨延九齡。

夢本下角 卷之六
背上一童子 吉

占 後有賢孫良裔之兆。

背生艸 吉

占 主肝氣有餘。

背骨斷 凶

占 人譬屋。背脊猶棟。棟折。屋不能安。夢此。父母亡。子侄死。身殞命。大不為祥。謹慎解鎮。可以轉禍。

鵲鳴背上 凶

占 鵲者。朱雀之屬。經曰。飛鳥遺之音。不宜上宜下。此之謂也。

背有龜文 吉

占 龜者。兆靈之物。夢此。主位列三公。榮顯草反。壽增一紀。痼病皆除。

背上生蚕蛾

占 瘡癩災殃。體氣不泰。福事紛紛。啾唧抱悶之兆。

背上瘤 吉

占 夢者。必有重負。不能脫去。囊中有物之象。羈留遠行之兆。

○○○乳臍類

生四乳 吉

占 男夢生四乳。主娶賢妻美妾。女夢生四乳。必產貴子賢孫。

擊乳作金鈸聲 大吉

占 金之數。于五行為九。五形為乳。生死所係。夢作金聲。子孫吉慶。良朋相會。雖病劇不死。雖陷縲紲。必赦。蓋鈸為軍中奏凱。又為釋道。壓邪鬼用之。此夢諸事大吉。

夢本下角

卷之六

乳臍

夢占

被人割乳

占 乳者汝也。血肉不可割傷。夢者。喪親丁。少孕育。失產業。有母災。

食人乳 大吉

占 血氣有餘之象。親丁發達之兆。

乳上生髮 吉

占 生人之祿。大吉。主福壽。壽。食豐需。病患消除。專事佳祥。

乳流出無數

占 乳。人子之食也。此夢。主。衣。食。盈。餘。壽。命。無。窮。產。婦。夢。之。不。祥。

乳鳴蛙 吉

占 子呱呱而生之兆。病者夢之宜禱禳鎮壓。

蟻出乳中 吉

占 蟻能穴泥鑽土。攢虫運骨。微生也。出者。災。去。也。夢。此。病。去。患。除。吉。祥。之。兆。

乳上裝翠寶 貞吉 否凶

占 錦衣玉食。

乳生杏花 吉

占 兆此者。驗于榮歸。女夢著于產孕。

犬來食已乳

占 男夢被人訟官。必主和議。女夢。生男。必。易。長。成。人。應。在。申。戌。候。

蛇入臍中 吉

占 透迤躋躋。必然龍舞鳳翔。笑傲旋旋。蚤得青蚨。白兔。中饋。豐。奢。舍。身。塗。炭。外。財。剋。剝。積。福。倉。敗。

臍出烟 吉

占 少年夢之。當有新婚之喜。

臍上草生 凶

占 草生苗不長。苗長草不生。此田園荒蕪之兆。

針刺臍 吉

朱壽昌。丁母憂。涕泣幾喪明。夜夢以鉄針刺入臍中。驚覺。兩目無恙。

以繩穿臍

占 文人隱士得盛明。幼學遇明師善訓。平人有好人相結。女子為丈夫寵愛。生意獲大財。

臍生小羊 吉

占 貧者夢之富。富者夢之貴。貴者夢之加。陞。女子夢之有喜至。有恙者夢之疾瘳。

無臍

占 兆主飢餓。

臍水出 吉

占 腎水有餘之象。水既盈。必流出。水既出。中必燥。夢此。氣旺神清。災消病除。

虱叮臍 吉

占 虱者。半風之象。此兆。風土和諧。受人囑託。得人利益。

日入臍 大吉

慕容德。母公孫氏。夢日入臍中。晝寢而生德。德後稱帝于廣固。

臍穴見屋 凶

占 夢此防腹疾。

〇〇〇腰腎類

腰繫金銀 大吉

占 夢此兆者。文人大貴。女人夫榮。腰纏十萬之象。

被人以刀斷腰

占 兩截。功名再試。再捷。作事有頭無尾。

腰間火起 吉

占 水火既濟。運旺氣足。陽有餘。陰有補。家資充。情意快。

腰汗出 吉

占 熱氣薰蒸。發于肌膚。金水相干。汗出毫竅。三焦火旺。氣乾水枯。而為虛熱。夢中腰汗。覺來膚燥。是家事在心。因已得治。若病中夢之。病從汗出。為康健之兆。見汗點如珠。玉者喪事。

腰間掛五臟

占 藏財漏洩之兆。五臟在五體之內。夢掛腰外。是肌膚不能包藏之象。家資暴露。積蓄散失也。

洗腰腹見臟腑 吉

占 心緒分明之象。夢此者。惡去善來。禍消福至。隱者顯。昏者明。受冤者得白。

腰生虱 吉

占 人氣生虱。此夢生不生。氣旺財來。又為腰間盤繫錢財之兆。主凡事有水色。

鬼入左腰腹內 大吉

占 大得遂志之兆。選舉魁甲。功名霸王。商賈萬倍。胎孕公侯。

腰腎水流

占 地火明夷之象。夢水流為費財利。此兆。陰有餘。精不固。火上升。時虛度。病痊可。

腰腎螭行

占 世亂兵強之兆。腰是山坡。腎是溪流。
曰 滿身甲冑如螭行。徧體橫行似夢中。

腎成玉石子 吉

占 若滿腰玉石。掛在囊中。此氣足精固。慾火
曰 不動。夢之諸恙皆除。男子夢之。主得子。

犬咬去腎囊 凶

占 鬼賊相侵之夢。須防盜賊。失
曰 財。敗產。傷生之禍。無血大凶。

刺腎囊

姚萇初殺符堅。及稱帝。後如長安。至新支堡。疾篤
夢堅將天官使者。兵數百。突入營中。萇懼走。及
宮。宮人迎。萇刺鬼。誤中萇陰。鬼為語曰。正中死處。
拔矛出血。石餘。寤而驚悸。遂患陰腫。醫刺之。出血
如夢。至長
安而殂。

被人割腎去

占 仕宦不祥。

兩腎突出 凶

占 天脫驚危之兆。必有急事至。
曰 若夢出復入。則疑難無大咎。

鳳凰喙腎 吉

占 夢者如絲晚諧。功名後得。子
曰 嗣美賢。諸事佳慶。但不在前。

腎囊明亮忽大如斗

占 此乃富貴之兆也。夢此者。食祿
曰 千鍾。驅馬高車。不明者不吉。

○○○心胸類

以刀開心 大吉

占 刀者肺之氣。持刀者肺之神。肺為心之華。益。夢刀開心。心竅通也。諸難解。百憂去。

鄭玄。師馬融。三年將去。過樹陰下。假寐。忽夢一人以刀開其心。語之曰。今可學矣。返而復卒業。遂精于典籍。後東歸。為名儒。

取人心肝 吉

唐張儉。初登第。夢取人心肺。次日請同第言夢事。儉以告。同第曰。兄他日為民父母。大得民心。後為朔州刺史。大教營田。歲收數十萬斛。遇旱。勸民相賑贍。合郡皆豐足。民立生祠祀之。

見人心肝成犬豕 吉

占 大點獸頭。呼朋引類。干係經心。來逐去遂。立業成家。庸常賤輩。夢此當于戌亥生子。

心變鳥

占 飛動之物。能翀雲漢。夢心變之。文人。曰 大吉。經商尤美。詞訟等事。有變不常。

心如明月 大吉

占 虛心應太易。清光照天下。羣生隱而萬物。曰 仰瞻浮雲散。而一腔如畫。聖人之夢也。

人抱腹心 吉

占 為臣得君寵。為君得賢佐。為妾得夫愛。曰 為客得扶助。抱病得神醫。初學得師傅。

心腹空 吉

占 虛心受教。空肚飽餐。夢見此者。曰 士為顯官。學生忠孝。衰弱平安。

心中有一羊 凶

占 未為羊。木庫未。夢此為肝火攻心。當。曰 有疾病至。心中一羊。恙字也。防之。

雷擊破心 大吉

一文文山未第時。遊于衡岳。夢龍陣從洞庭來。霹靂一聲。心碎如屑。以問諸同遊者。伯友曰。當作丙辰。

夢林三卷 卷之六 三
首甲矣。果驗
狀元及第。

取心水中洗 吉

占 洗心滌慮。毓德檢身。
之象。天乙來。慾火去。
金士英。年二十。病癆瘵。夢天王以三
昧水洗其心。寤若無疾。壽至九十。

水入心 吉

占 心火炎炎。水被熬。一番滋潤。一番焦。
曰 火凉水。煖精神。伏過。改災除病患。消。

懸心樑上 大吉

占 志意高掛之象。夢此。私情。隔絕。
曰 姻緣不諧。功名高遂。諸事大吉。

手摩心 大吉

占 摩者轉輾調理之象。夢手為兄弟新明。
曰 此兆病除鬱開。災消仇解。諸事皆吉。

指畫心裂 吉

占 裂者陽不足。夢指為子侄親丁。此
曰 夢是改過自新之象。有吉無凶。
周昭王。夢人以指畫心。應手而裂。遂
患心痛。后夢中人來以手摩之。即愈。

心痛 凶

占 夢主親族遭殃。知己受厄。病者夢
曰 之。恙入胞胥。平人。主有人謀害。

頭上戴人心肝 吉

占 交情密切之象。自頂他人意。人心
曰 在我頭。親朋結戴。一同出人之兆。

開心納藥

占 藥納百病去。心開萬事全。才深有學。智愈
無譴。上智脫離平白地。下愚移到碧雲天。
尹知章。少勤學。嘗夢神人以大鑿開其心。以藥納
之。自是日益開朗。盡通諸經精義。未幾而諸師友
夢占

夢林三卷

卷之六 心胸

占

夢占

北面受業焉。張說薦為秘書監。

以寶易人心 吉

占 人心。至寶也。以假易真。利已之。象也。夢者。文思暢順。經商獲利。

心上生禾苗

占 苗生于心。心種發也。文人益才思。婦人夢之。孕貴育秀。生花結實之兆也。

無心 大吉

漢谷永嘗夢開胸見骨。有膽無心。以問于師。師曰。子誠無心人也。必大賢臣。果為大司農。直言諫諍。帝為歛容。

鑿破心胸

占 心中有利器。目下遇恩榮。學者夢之。大吉。天曰。下文章第一。訟者夢之。大凶。傷心禍患相冲。

胸忽裂 大吉

占 裂破。舒開也。主文思日加。懷抱寬宏。為臣盡忠。為子盡孝。齊家盡禮。交友盡義。正所謂忠烈士也。

人脚踏胸腹上 凶

蕭山何舜賓為憲副。坐挂誤論戍。留家一宿。夢人雙脚踏其胸腹。心疼一呼。子敬語之。敬曰。奸仇害父。敬以死報。及旦。駕舟渡江。縣尹舍皇伏謁。以為當道。已而尹自慚。陰令解者間道餘干。害之死地。子敬慟哭曰。父夢人踏胸腹。竟被鄒縣尹踏害。今我必踏殺鄒賊。後敬擿登聞鼓。訟父冤。事下并鞠。竟逮諸解人。抵死。鄒尹論戍。

胸忽開 吉

占 胸開。舒展。懷抱。夢兆。諸事咸亨。曰。百憂皆散。喜慶來臨。吉祥之徵。

剖胸納巨鑑 大吉

占 剖心見誠信。納鏡得高明。應舉入太學。處家無隱情。女夢得貴子。男夢補肺精。王處訥。夢人持一巨鑑。星宿燦然。剖腹納之。因究星曆占候之學。深造其旨。

胸中出錦繡統綺

占 此兆。文人夢之。文章錦繡。才名上達。孕婦夢之。生貴育秀。腹患痊可。宿冤伸舒。

胸前懸鏡 吉

占 大將登壇之象。一方善政。萬里兵權。英雄逞志。有知人之哲。高士幽居。無刻剝之虞。

胸前心坎大如斗 大吉

占 夢之得心寬意樂。窮居陋巷。將來改換門閭。博學多聞。此去高揚令譽。

胸光如水晶 吉

占 胸中靈秀之象。

胸掛虎形 吉

占 君子成虎變。小人假虎威。

胸旁出火焰 吉

趙方為荆湖制置使。夢其子葵。兩肋火炎。驚寤。曰。葵。夢爾火光燭天。兒欲何為。葵應曰。志滅金賊。未知所欲。諸將聞之曰。龍肩有火。麟豕皆然。趙公子當大貴。越三日。聞警。葵與諸將偕出。大捷。方行犒賞。軍士憤其薄。葵亟呼曰。此朝廷賜也。本司別有賞賚。軍士遂定。方曰。子年十三。眾服機警。吾夢汝胸光焰炎矣。今果驗矣。

胸露骨無膚

占 肌膚損失。心膂暴露。大曰。老子孫亡。幼輩親遭禍。

胸生逆鱗 大吉

占 龍形也。夢已身有逆鱗。其貴無上。其富

胸旁竅開如穴 吉

占 夢毫竅開者。耳聰目明。才敏志遂。胸中為

心胞絡。左穴怒消。右穴憂散。佳祥之兆。

胸藏筆 吉

占 筆能書寫。計文策武。救生主

胸變婦人乳 吉

占 柔能制剛之兆。男乳屬陰。女乳為陽。男乳微細。

菜生胸脇

占 夢此者。主無味中

〇〇〇臟腑類

盛臍滿盆見五色 大吉

占 文章華麗之象。辭由臍中出。盛滿成器。夢

自灌水入臍 吉

占 水者。金之子。臍者百物收藏之處。夢此

臍中取筆 貞吉 否凶

占 筆在臍中。書數能通六藝。

五臟出在地 凶

占 五臟離腹。為氣散。在地

氣散于土也。其禍遲久。漢成帝召楊雄作甘泉賦。雄倦卧。夢五臟盡出。在地。以手收入。及覺。氣衰。遂有疾。一載而亡。

無五臟 大吉

占 士夫有府尊之職。庶民有鄉
村之樂。女子有才郎之慶。

洗臟腑 吉

占 藏府一空。胸
腹一清之象。

拾臟腑

占 夢已身臟腑在外而拾得之。主恢復舊業。
曰 夢拾得他人之臟腑。主獲外財。更虞世亂。

剖分臟腑

占 此夢主分開。曹局。
曰 此夢主分開。曹局。

臟腑在雲中

占 此夢主生痰病積。求仕選者。夢之大吉。學
曰 文者夢之主才。高德盛。青雲吉。白雲凶。

臟腑缺少一二

占 夢無膽有虛驚。無肝成怒病。或作事不成。無肺有
言人不聽。無胃缺食。無脾家無地。無腸大凶。無腎
曰 有好事至。為
吉祥之兆。

虫生臟腑中 吉

占 生意綿綿。金錢
曰 堆積。大富之兆。

照見五內

占 自身五內。惟善。養生者。知之。否則不能察也。好
者得之。為明察詳審之象。○心經有云。照見五
曰 皆空。皆空者。惟方
外人得之。大吉。

○○腸胃類

納腸入腹 大

夢林玄解

腸胃

大

夢占

占 夢此者兆主文章益進。
曰 利取殷殷諸事佳祥。

腸中火起 吉

占 心腎之火會于脘下。腸注胃煖。故有此夢。若患
曰 痢者夢之。藥力使然也。文士夢此熱衷之占。

以腸繫人 吉

占 懼人走脫。
曰

見人易肚腸 吉

占 肚腸變易。冤仇解散。恩人反叛。若夢道路
曰 之人不曾識認者。諸凡作事。必豫防之。

掛腸在兵器 貞吉 否凶

占 此亂世之事。因利喪生之景。若夢高
曰 掛鎗尖。懸于眾人頭上。大貴兆也。

腸結陰物 凶

占 人之陰物。少陽相火也。結者閉
曰 結之象。有氣不舒。有志不遂。

烏鴉喙已腸

占 烏屬朱雀。爭啖在口舌。夢者父母有
曰 殃。子孫有悔。妻孥鬪口。鄰里鬭訟。

腸成絲 貞吉 否凶

占 相思牽擾之兆。絲出自天虫。經綸
曰 萬象通。夢之文名得遂。姻緣成配。

腸出化虹升 吉

占 文人夢此。氣吐虹霓。女人兆
曰 此。孕生雄俊。老年夢之凶。

斷腸 凶

占 腸斷難續。悲哀難忍也。離鄉背井。骨肉飄零。恩
曰 義隔絕。惟分財與嫁。為父母者夢之。大吉。

人易腸中物 貞吉 否凶

占 窮苦憂愁之際 夢之則吉也。

腸遶城關 大吉

孫堅母懷妊。夢腸出遶吳閭門。以告媪。鄰媪曰。吉。胎中必大貴者。果生堅。

被人抽腸臟去 凶

占 腸臟。延命者也。去之。不能生也。夢之。曰 被盜欺侮。惟應選考試。為大吉徵。

掛腸山上 大吉

占 志在高岡之象。有是。則天下之人。曰 皆仰而望之矣。忠臣孝子之夢。

抽取人腸 吉

占 夢象。主得人之長。

洗滌腸胃 吉

占 洗滌。去穢也。夢此者。

曰 主棄舊更新之兆。

王仁裕。少嘗夢剖其腸胃。以西江水滌之。顧見江中沙石。皆成籀篆之文。由是文思益進。因號詩集曰。西江集。

晉興寧中。沙門竺法義。在始寧保山後。得病積時。日就綿篤。遂不復治。數日。晝眠。夢一道人來。候其病。因為治之。刺出腸胃。瀦洗臟腑。是有結聚不淨。物甚多。洗濯畢。還納之。語義曰。汝病已除。夢覺。眾患豁然。尋得復常。

胃脘開豁 吉

占 此夢。兆主時運通達。情意暢快之象。

肺肝類

肺上生花 吉

占 此兆。士人夢之。文思生花。孕婦夢之。產女如花。禎祥之夢也。富人夢之。主花費。

肺出成雲霞

占 雲者。流動不寧。霞者。空虛無實。夢者。諸事不祥。惟文士夢之。大吉。

肺生兩翼 吉

占 夢主金氣有餘。金無餘氣。故七政九竅。惟金無二。肺主金而夢生兩翼。大定回爐之象。

掘地得自己肺腑 大吉

占 貧人夢之。偶夢大財。富貴者夢之。頓長萬金。農夫夢之。大豐年。有訟事者夢之。必贏。

換易肺腑

占 肝主氣。肺主皮毛。夢易者。氣血變更也。改惡從善。變禍為福。達正人邪。福臨禍表。

馮俊。年十八。夢上帝遣神易其肺腑。云。將有徽命。自後禍福皆前知。未嘗出戶。人或見之。江海之上。

肺肝如石 吉

占 肺主金。秋如石。肺虛如蜂巢。肝主木。春如花。肝虛如泡影。心如堅石。心如稿木。則有此夢。福至病痊。

以刀割人肺肝 吉

占 金木刑人。夢者以象推之。利在於他。戰勝攻取之象也。

被人刺肺肝 大吉

占 針刺起死為生。夢人來刺我。我見其所刺。彼無欺隱。我有靈感。禍消病除。福臨利亨之兆。

肺肝被虎食 凶

占 身陷虎口之兆。夢此者。牢獄。疾病。征戰。皆不利。

照見人肺肝 吉

占 所見者誰人。思仇顯。易我所照者。非鏡。反見為難。我既知人。人莫我欺矣。

取肺肝納已腹 吉

占 彼之呼吸在我腹中。我以氣血。為彼出入。兩人一心。受納無二。

換人肝肺

貞吉 否凶

占 肝主呼。肺主吸。夢中何人。我往換易。呼。吸由我。出入皆然。女子夢之。必生貴子。

剖肝見珠

占 肝。乾也。珠。淚也。夢子。父有災。夢夫。婦生疾。珠在已肝。淚出痛腸之兆。又為收淚之象。

肝化蝴蝶飛

占 夢之者。病人歸。冥。怒氣消平。

膽忽大 吉

占 膽大無驚恐。有折磨也。夢此者。心。下而小。做事無退縮。處世有作為。

○○○陽腎類

銀針刺入馬口 吉

占 關元有出無入。溺出于此。而精亦從此出。針灸所。不及。夢銀針刺入。是金氣旺盛。得助剛強之兆。

玉莖飲酒 吉

占 夢此。當得嬌妻美妾。良朋。俊僕。有歡樂大暢之遇。

鑊刃斫開肉具 大吉

占 文人作顯宦。武士立大功。商賈得大利。娶女。遇良媒。娠姪生貴子。災病得切已者救之。

肉具長垂過膝 凶

占 無所容身之兆。必有乏用。缺食。多愁多。怨。其象柔弱而無配。其驗驚憂而有耻。

玉莖生寶相花 大吉

夢林玄解

卷之九

陽腎

三

夢占

王晉卿幼夢陰上生花狀如寶相其父聞之以問大法師師曰大貴徵兆果為駟馬都尉

玉莖忽長 吉

占 未知牝牡之合而暖作生育之源精神之本夢此長大家隆業盛親丁有喜資財暗長交游密切

臀被責痛 吉

占 兆主前後有人出力有禍必輕宜自省改過無咎

臀無膚 凶

占 貧窮孤苦之象

臀無屋

占 幼冲夢之為無竅為有疾
占 高年夢之為獨夫為痛症

生尾如禽獸臀 吉

占 無初有終之兆獨夫生嗣孀婦得男孩童遇友工役將完若夢蛇尾大化小剛化柔之驗

臀生癰 吉

占 雍容揖遜也此夢者諸事皆吉
占 身榮名著衣食豐足但不能安坐

臀潤大 吉

占 安閑之象家安人足子貴僕富若
占 遊行來往百事遲遲不能迅速

規臀以色 吉

占 規主圓矩主方夢人規畫其臀是身後有定規也
占 青色為清高大名白色為財帛為報仇雪耻金色為剛勇决斷黃
占 黑為田土產業

晉文公夫人夢神規其臀以墨曰使有晉國三而
成公子景公孫厲公相繼立自黑臀至厲公三世
矣厲公弒國人逆周子立之寔悼公益襄公驪之

孫也。

臀中生長毛 吉

占 臀有毛長壽徵也。夢生長毛安居恒產之兆。臀上無毛後面光循此推之。吉凶可見。

〇〇〇陰谷類

陰毛拂踝 吉

魏酈範自青州還京。夜夢陰毛拂踝。史武進解之曰。公豪盛于齊下矣。必當重牧全齊。後果應其言。

陰子破囊欲墜地 凶

占 此屬命門為關元。夢此象者。命運亡。子孫傷。妻妾喪。諸事災危。

見女人陰戶 凶

占 陰口開張。脫露無收之象。夢誰家女子。品分高低。便知是何人對口相爭。掩蔽者無妨。

女子陰變為陽物 貞吉 否凶

占 夢此。當配良夫。生男子。長成家業。為女中丈夫。牝雞司晨之兆。

見母下體

顧琮繫詔獄。當伏法。忽夢見其母下體。愈懼。時有善解者曰。太夫人下體。是足下生路也。重見生路。何吉如之。明日門下侍郎薛稷。奏刑失入。竟得免琮。後拜相。

火烘下體 吉

占 富者見之得人。貴者見之得位。貧者見之得衣。病者見之得療。

谷道毛垂地 大吉

占 便窳毫長。良田萬頃。夢長而垂地。利亨。倍增之兆。當出貴子賢孫。祭親耀祖。

〇〇〇精血類

精若水晶 大吉

精者元陽之真。髓液之原。陰陽合而成胎。胎氣聚而成形。身之所自生也。隨氣而出而入。而血隨之。見之不可用。用之不可見。夢中見之。是氣隨神而神有靈。靈在肺官。肺官為精母。精歸腎。腎者肺之子。狀如水晶。旺且固也。

滌精而納之

單熙與人鬪。鬪者卒死。熙歸卧。夢滌精而納之。寤語其弟孟陽。陽曰。非有人命乎。熙以真告。孟陽趨往鬪。所俟捕捕者。感嘆不訟而和。

精泄不泄 吉

占 夢泄不泄。陽旺火盛而腎煖。元關固也。必有重勞盡力。功成意遂之驗。

遺精

占 夜夢遺精。火旺氣寒。元關不固。欲動情勝。液外流。流而為痰。痰入腎。腎不留之。故夢中瀉出。醒後見遺。此神虛血冷。腰間遇風而疾。病因之。必宜調理。不可不慎也。

交妬精不洩 凶

占 幹事不成之象。夢此者。遇而不遇。徒勞力而無功。有謀不遂。有始無終。諸事不吉。須防鬼魅之侵。虛火之症。

精寒如石 凶

占 困于石。據于蒺藜。入于其宮。不見其妻。凶。陰柔不中。不正。火冷水潤。滋液積聚。不運通達。隨露而為痰。痰寒形似石。一事無成之。夢。必須正心清神以解之。

媾精見血 大吉

占 心腹相托之夢。

遍身紅血 大吉

占 朱衣加身之象。無論貴戚素封。貧窮下賤。衰
口 老殘喘。兒童女流。得此夢者。必有皇恩爵祿。

血流遍地

占 此夢占之最難料。只要得知何處到。
口 從外流來得大財。竅中流出非佳兆。

血淋身 吉

占 兆主文高武遂。
口 交易利子孫吉。

吸人血水 吉

占 狠心之象。

膿血汚手足 吉

占 紅錦兮如血。黃金兮似膿。累及兮體肉相
口 干兮弟兄受汚兮。夢中且得吉兮。幸逢。

眼旁流出血 凶

占 悲哀哭泣之象。主父母兄弟夫妻
口 子侄六親之內。必凶災死喪之禍。

耳邊有血水 吉

占 有恤典。

乳中有血流出 大吉

占 白化為赤。必有喜事至。

馮京夫人王氏未嫁時。問媵母曰。女夢兩乳出鮮
血。覺來乳痛。豈是生病耶。媵答曰。喜事將至矣。
人口。馮狀元入贅外戚張家。今有悔來。何喜可
至。俄京信到。書云。遵母命。雖聖主作伐。決弗違。

頸裏血出

占 富有破財景象。凡事宜潛藏。
口 忍耐不得出頭。自取大咎。

血拌頭髮 凶

占 肝經有

舌尖出血 吉

占 文章進益。口舌消散。病主心經。魚鹽多利。

額上出血 凶

占 與人相爭之兆。

溺血

占 溺血。各為赤濁也。夢中見之。當得福也。兆主所屬順從。子孫食天之祿。

陰戶流血 吉

占 運來年月好。經營百事通。孕育無災患。姻緣心意濃。

血汚衣

占 血染衣裳。意氣揚揚。如武人臨陣。不宜夢此。

自吸口中血水 凶

占 泣血稽顙。

喉中有血出 吉

占 肝主血。而喉屬肺。夢此為肝肺相和。勞心費用。以得大利之徵。有吉無凶。

身坐血汗之中

占 男夢拾財。女夢防產。

見血成河

占 君相夢之。天下大亂。水旱見之。前雪。女曰 子夢之。禮懺禳解。病中見之。立愈矣。

夢林玄解

精血

三

夢占

將器皿取人血來家 吉

占 消災延壽之占

破傷無血 大凶

占 無精父有殃。無血母有患。考妣有何憂也。須坟上看。

放血與人

占 血者。性命所關也。放與別人。曰 夢中見之。防財物失脫也。

股上出血 凶

占 有妻妾之慮

遍身膿血出 大吉

占 膿血淋漓。滋榮潤澤之兆。夢此者。功名大。吉。營謀大利。如夢兒女如此者。主易長。易大。若有爭訟之

曰 幾者。夢之凶。

被人刺取血去 大凶

占 財物被劫之兆。

大腸崩血 吉

占 腸中寬暢。災退患除。

含血噴人 大吉

占 壯士正直。作事盡力之兆。

吮血

占 相知見許立言。見名。大吉之兆。

吐血 吉

占 立業成家

汗氣類

渾身流汗 大吉

占 渙汗其大號。所謂渙小儲。而成大儲。災禍無干。病愈。

汗污衣 大吉

占 體膚汗出。熱病消除。

李世民裴某同卧帳中。李曰。夢不祥。如之何。吾夢兩人渡河。河涸。捨舟疾走。汗出污袍。裴解曰。所志遂矣。二人天字。河無水。可字。天可汗。虜王號。所志必遂。裴記藏書。

汗流地下 凶

占 地土散失之兆。如歲大旱。夢之有雨。

汗如珠 凶

占 夢此。事不成。禍不解。訟被刑。病難愈。

汗如雨 吉

占 市廛熱鬧之象。

汗乾 大吉

占 身衣華袍。

氣息如雷霆 大吉

占 威振華夷之兆。人身象天地。乾為首。坤為腹。坎為耳。艮為鼻。震艮相聯。氣在鼻息。耳聽聞聲。夢此者。神居玉池之上。十二重樓之下。在裏而不出。氣盛如雲。故寐息如雷鳴。而同處室中者。不聞其聲也。天如是。聰明睿智。剛健中正。德章四海。位極人臣。壽餘十二紀。福及九世孫。

夢林玄角

卷之九

汗氣

三

夢占

氣從鼻口出如烟霞 吉

占 丹田氣盛。故有此夢。

氣昏黑暗 凶

兩朱榮。夢行日宮。氣暗昏。黑。如燈照影。次日被禍。

氣從玉莖出 吉

占 元極陽明。幹旋天根。大陰之精。入泉源而土升。朝于黃庭。游于玉京。嬰兒姪女。由南園而過犬津。三尸却。五鬼寧。于是乎夢繞金莖。

氣如火光 吉

占 重明以麗乎正。乃化成天下。又曰黃離元吉。

氣如虹霓

耶律丞相。抱妾晝寢。夢體有氣。燻烝貫目。狀如虹霓。雲霞滿天。覺問太醫。醫不敢言。哈哈桶慶。醫出語。人曰無藥治之矣。小便流血而逝。

喘息不定

占 心不寧。故夢之。

喘 貞吉 否凶

占 夢喘。非真病。應驗在勞形。遠行涉險。惡速重。承一時不及。所係非輕。更有好兆。得美聲名。

呼吸如風

占 風屬木。木在肝。肝主呼。肺主吸。其氣如風者。金木皆旺。而元精不能包藏之也。

如鬼噓吁

占 肺氣不足也。

無息 大吉

占 太極靜而生陰。陰固而無聲。其氣清且寧。此夢主元神。元神旺。可長生。

〇〇〇膀胱類

膀胱如江海 吉

占 腎水有餘。羣陰充足。江流滾滾。曰 海脉洋洋。水火既濟。康健吉祥。

膀胱如雞子 凶

占 陰水聚結之象。夢曰 之主病患將作。

〇〇〇魂魄類

魂飛上九霄 吉

名揚壽永之兆。此冲齡血氣未定。情竇未開。元神不動。而畫多欲戲。夜卧心不寧。故有夢魂搖撼之

象。魂者本來面目。氣運而相合。脉血和調。若暑寒太過。不及。飲食稍訛。其理則氣不連合而恙生焉。陽清氣順。則上昇乎乾元。其生也智。其身後也靈。陰濁氣逆。腦受其弊。前呵後吸。不及。其壽不長。若其殃。元神降乎地。而為鬼。其智不及。其壽不長。若夫情欲散亂。惟甘旨是好。饕餐劇飲。目視妖麗。耳聽嬌淫。于是邪魔禱踏。三尸合。五鬼厲。而禍及六根矣。故夢中見魂飛。歸齡之常態。當教之以正。勿藥有喜。妻老之虛驚。當調之以安。勿勞無恙。

韓忠獻公億。次子琮。七歲時。延師習學。一日問曰。琮夜夢登靈壽山。見魂飛直上天門。師曰。魂是物。汝何見。知。琮曰。魂從頭飛出。及入。寤省。不知在那裏。

魂西北行 凶

占 火上升。水下降。魂在中。曰 離合不和。故有此夢。

魂呼魄 吉

占 肺氣動也。

魂如蛇魄如猴

占 心亂氣浮之象。

魂魄相打 貞吉

占 主陰陽不和而無咎。

〇〇〇尿糞類

尿流至 吉

占 貧窮有此夢。必得無意之財。富貴有此夢。必得分外之物。疾病有此夢。必得救難之資。

向人撒尿 大吉

占 兆主心寬運通。夢者有惡即解。有禍忽消。有慮頓除。有讐便散。

船上溺尿 吉

占 出行遠方之象。夢此者。主有事遠行。或有遠方人往來。若途中夢之。須防風水。

撒尿滿口 吉

占 水火巡環之兆。

身上有尿濕 吉

占 冤釋災消也。

撒尿于碗中 吉

占 解急之象。夢此者。緩急存濟。疾病有人扶持。病危不死。佳兆也。

連連撒溺

占 其象夜卧不安。心中有急事。情欲不遂者之夢。

小解不出

占 夜氣不和。故有此夢。
或主急欲小解也。

屎尿污身 大吉

占 貴者夢之增祿。富者夢之加息。生意夢之獲利。訟事夢之不吉。病人夢之又當別占。

臭糞污衣飾 大吉

蔡京未遇時。會文于蕭寺。見牆下有污穢。歎曰。何夢之有驗也。諸友訊之。京曰。昨遊湖上。飲醉歸。隱几而卧。夢入僧舍。内外無人。倚牖而溺。地有惡臭。周旋視之。污累衣裳。今日見此牆。宛如夢中。幸不汚耳。朋曰。可喜可賀。君當受廩資。不亦樂乎。僧舍無人。是增一口。衣沾牆下屎。是亦庠序得米也。非受廩而何。果驗。

拈糞回家

占 大得貨財。便成恒產。

人與糞 吉

占 糞雖污穢之物。沙土得之而壯。種植得之而華。出于人腹。施于五穀。夢兆諸凡方便。使用滿目。與人者不祥。

掃除尿糞 大凶

占 尿者。戶內水。糞者。共田米。掃者。婦無所歸也。若夢掃除舍宇。固為吉祥。所除非塵埃。而去水來。將何以供膳乎。此喪家之兆。急宜消省解禳。

糞中行畏惡 吉

占 夢此者。主使用得宜也。
曰 千金萬貫。都在阿堵。

糞虫 吉

夢此者。主使用得宜也。

尿糞

三

夢占

占 生意之人。活潑潑地。

糞中坐

占 夢者多所受累。到底難行。若
曰 夢中坐起。則後來有好事至。

糞土堆積 吉

占 積玉堆金

糞汗斛

占 積粟壞爛之兆。若干絕糧困乏
曰 之際。夢見之。必有人周濟大吉。

釜中有糞土 凶

占 破釜之象。其夢此而後。山灰得
曰 財利者。必因利亡家。不可不慎。

廁屎碗內 凶

占 夢此者。將缺食餓死。必宜
曰 改過自新。以祈天神救助。

廁出屎屋 凶

占 內空虛。外汗穢。
曰 費用不祥之兆。

大便滿地 吉

占 得見便宜。

大便在灶下 凶

占 燥妄異常。惡惡責背之兆。家中有廚灶。所以其
曰 食。井廁不相見。豈可容屎糞乎。夢此者。家事漸
曰 地土將壞。是非爭執。目
用不給。何法以生財。

失大小便 凶

占 外貨難序。已
曰 財散失之夢。

聞屁人笑 大吉

占 屁者。譬也。一語。騙人為人所信。

忍屁出汗 凶

占 養生之道。莫良于夜氣。夜氣不足以存。其將有所不遂乎。

屁臭 吉

占 將有生意。

蛆滿身 凶

占 主財費病深。貴人主萬民擁戴之兆。

夢林玄解卷之九 終

夢林玄解卷之十

夢占

政事部一

科第 官祿 壽算 嘉禮 姤孕

〇〇〇科第

考試

夢應枚卜形求者。此夢兆于君子。為朝野精神感通。指日顯揚。通泰之應。匪德之人。或夢兆此。主大凶事也。○夢應賢良方正科。應此兆者。盛德之祥。登庸之象。文士得此。主司名姓。有漢劉之字者。必有遇合投契之占。老病者夢此。非祥。○夢應弘辭詩賦科。詳其題。是命何辭。何詩。何賦。文士可以此推題旨。利于唐姓之人。平人夢之。主才藝精通。聲歌清妙。○夢應制策試。詳是何題。文人叶吉。平人訟事。武人中式。少年不事詩書者。兆克刀筆。為吏也。臨場防題目前兆。大宜細推。○夢應會試。主登

夢林玄解

科第

一

夢占

第之兆。夢應廷試。主鼎甲之祥。如本非文士。為身
投羅網。此非佳占。○夢應舉子試。臨試者應近。平
日者應遠。呈卷見收者吉。不收者凶。平人或應于
子弟。否則身入科條。訟獄之象。○夢應生童試。讀
書者。收取無阻。則吉。不收有阻者。不吉。平人非學
者。主身有受困之事。小口欠寧。獄禁易釋也。○夢
入監考試者。文人。舉。平人
入獄。凡事拘留不釋之象。

報中

神言人告

夢此者。不論人神。凡預有稱告報語者。言中者吉。
言否者凶。遠近有期。皆為大吉之兆。須詳其語意。
隨變而占。固有直應。亦有曲通。宜細測圓樞。如非
文士。必兆于子弟也。或寄夢他人者。尤有靈驗。亦
有虛夢者。或因恃夢不修。或
以夢輕泄。故吉轉為凶耳。

唐鍾離介寓長安。夢二女揖之曰。吾家孟溪君。今
中第。尹吾邑矣。已而果如其言。介既至。仙眷求其
跡。廟而祀之。
名曰慈感。

占

馬涓既赴御試。夢人告之曰。子欲及第。須作十三
魁。涓歷數其在太學。及預薦送。止作十二魁。心甚
憂之。意疑復黜落也。逮
賜第。魁天下。果十三魁。

鄱陽士人黃瀛。宣和間。在太學。負俊聲。屢夢人言
黃狀元。因自待不淺。時與交友言之。然每入舉場。
輒不偶。紹興八年。以免舉赴省試。而黃公度魁多
士。瀛始悟。歎曰。二十年夢黃狀元。今乃為他人所
奪。快怏而歸。久之。僅
得持奏名。攝官而卒。

宋胡仲徽赴癸酉秋試。寓于城隍廟巷。民家樓上
有富家子。應舉。欲胡為助。許以錢三百千。胡謝之
曰。吾固甚貧。然學有限。所謂自照一身。猶未光也。
何暇及他人乎。富家子去。期以明旦再造。仲徽
厚餌。意亦未決。夜夢黃衣卒登樓報榜。胡詢已之
得失。卒曰。止為公姓。名在榜。所以來報。卒既下樓。
復還。白曰。秀才解名。雖定。更須莫管閑事。乃
可。胡矍然而寤。思畫之所。燭。却之。果預薦。
張黼未第時。嘗夢人謂曰。汝登第。在狀元前。覺而
思之。世豈有科名先狀元者。吾殆無此望矣。及丁

未會試。各在十五。鈴山費宏。各在十六。是科宏狀元及第。計得夢時。宏尚未生也。

呂柟性至孝。方會試。聞喪。痛哭。草履奔至家。途中夢有人報來。科狀元。後果驗。官至少宗伯。

松江錢中。子名福。生數歲矣。夢三女來。謂曰。汝子科第。當與蘇州吳寬同。因至蘇訪吳寬。吳時尚困

庠舍。然人皆稱其德。優學博。乃曰。吾兒便不得科第。得名齊吳君。足矣。及吳狀元及第。而福亦以狀

元發跡

看榜

占曰

夢此者。不論自見。及他人見。有名者。聲名大吉。無名者。名譽消落。或非已名。宜更名以應之。或夢在某人榜。則以其人中式。方得有應。或兆于幾年之前。或兆于遠年之後。或兆于旦夕之間。或兆于其死之年。象各不同。占難拘一。杜君寔。夢川中放省榜。三十四名。而居寔與其數。覺而怪曰。省榜不下三百人。且當在京師。不在川

蜀。遂不能曉。至建炎初。朝廷以險阻。分路省試。蜀果中三十四名。而居寔果與焉。

楊敬之。任江西觀察使。其子戴。隨任江西。應舉時。敬之夢新榜。四十進士。歷歷可數。寓目及半。其子在焉。其鄰則姓濮陽。而名不可別。既寤。訪于詞場。

則云。有濮陽愿者。閩人。能文。有譽。一日。楊祖客灞上。居于逆旅。有自閩來者。試詢之。乃貢士也。問其

姓。曰。濮陽。審其名。曰。愿。閱其人。詹宇。清朗。詞氣安詳。問所寓。則曰。今將僦居。楊令盡驅其行李。置于

庠序。命戴與朝夕同處。是冬。大稱濮陽藝學于公卿間。人情翕然。得第必矣。而濮陽一夕暴卒。楊惋

痛。嗟駭。力為營辦。歸骨閩間。仍謂其子曰。我夢無徵。汝之一名。亦不可保。明年其子及第。而同年竟

無濮陽者。夏首。將關送于吏部。時宰相有言。前輩重族望。輕官職。是歲。慈恩寺題名。咸以族望題畢。

楊間步塔下。仰視之。曰。弘農楊戴。濮陽吳當。恍然如夢中。

所視云。

陳正居。國子監。候紹興壬子試。夜夢登一大堂。掛黃榜於梁間。問之人云。此明春榜也。正欲觀之。為

風飄颻不定。彷彿但見已名。及宜興惠純夫耳。迨明年試後。路遇宜興報捷人。因問云。貴縣有誰。其人附耳。語以純夫正大。

喜躍未幾。捷音果至。孫夢得初名。字道卿。嘗語人曰。某舉進士。過長安。夢登塔。見持一大文卷者。問之。云。來年春榜。索而視之。不可。問其間有孫貫否。曰。無。惟第三人有孫。其既寤。遂改各州。字夢得。明年果得第三。王載奉新人。夢與劉鑄至。江西省署。見開鄉貢進士榜。諦視之。高懸朱牌十枚。上書金字。日光炫耀。不可讀。忽一隸卒曰。第一名南昌熊誼。汝第六。遙呼鑄曰。爾名亦在後。載寤。與人言。皆笑之。後八年。洪武庚戌。始設科。江西四十名額。南昌占其十。正符朱牌之數。熊誼第一。載名第六。鑄名第十九。廷試。載名第六。

少傅余有丁。嘗夢登杜正榜進士。既第。以為夢不驗矣。及榜首中公入。頌袍笏。其典之曰。內臣杜正也。是夢亦巧矣哉。

于觀文入試。夢人以軸文與之曰。此春榜也。可之。既覺。自解曰。令我收榜。吾其瑣榜乎。放榜果然。顧禎。夢其弟福中榜。名上朱污。以語福。及福自觀榜。名乃在糊縫。鉗印處。為朱濺焉。後福官至叅政。

取中

夢中元魁科甲。及取科舉進庠。貢監之事。兆主利於文人。應有遠近。不中不取者。不吉。如平常之人。或驗于子孫兄弟。否則事有別占。反為非吉也。老病之人。大為凶兆。其在文士。即非考試之年。亦有奇象。宜細詳之。

永嘉林溫。生於延祐丁巳八月八日。至三歲。各榮祖。又十二歲。更名溫。又十歲。當至正壬午。以春秋經試。江浙鄉闈第一。董燹第四。董朝宗第五。朱公遷第二十八。溫授奉化別學正。丁亥之官。會董昇亦為慶元學正。燹曰。吾大父。管得奇夢。記諸籍云。丁巳年九月七日。夜夢林溫作魁。朱姓人鎖榜。第

四。第五。人姓董。其最異者。溫之生。甫一月耳。

者。溫之生。甫一月耳。

唱名

占 夢唱有名者大吉。無名者為凶。詳是第幾名。又屬何地。則知名第高下。科甲分明矣。如非讀書之士。及老病之人。則為不祥。

劉悅初名濤。宿梓潼祠下。夢與舉子數百。聽唱名于集賢殿。有一衛士來曰。公第三人及第。問曰。劉濤耶。衛士曰。非也。劉悅也。驚覺。至元祐間。詔書若與上書。邪人同姓名者。聽改名。時有彰信軍進士劉濤。例因改名。乃憶昔夢。改濤為悅。果中蔡嶷榜第三人。

遊宴

占 夢遊階列宴者。身在前行上坐。大貴。在後乘下席。小吉。如非應舉者。則主門有喜慶。榮利倍常。

樂迎

占 夢見人鼓樂迎已者。兆主鼎甲。見鼓樂迎他人者。主其人富貴。大為奇貴之占。如兆于平人之夢。主

日 應及子孫。非有盛德。不足當之。

宋馮京。父式。商也。入粟拜官。壯年無子。將如京師。其妻金氏。授以白金數笏。令至京置妾。及至都下。買一妾。立契償金矣。問妾所自來。涕泣不肯言。固問之。乃言其父為官。因綱運欠折。鬻妾以償。式惻然。即遣還其父。不索金。及歸。妻問買妾安在。具告以故。妻曰。君用心如此。何患無子。居數月。妻有娠。將誕。里中人。夢鼓吹喧闐。迎狀元。京乃生。

集錄

占 夢集上錄上。有名者。必主得第。無名者。不吉。各不合者。宜改名。以應其祥。然不可妄貪。須苦志力學。日 方吉也。夢見他人名者。其人吉。夢他人見已名者。應尤靈。

宋孫洪。與同舍生游太學。生得家書。秘不示洪。洪詰之。不已。出書示之。書云。昨夜夢至一官府。若閣登科集。汝與孫洪。皆列名籍中。其孫洪名下。有朱字云。于某年。不合與人寫離。婚書。上天譴之。不得

過省。洪愕然。生日。公果有此事否。洪曰。有之。及就試。生果中高第。而洪不得選。暨生西歸。為尋夫婦。合其已離。明年。洪始釋褐。

成化丁酉鄉試畢。吏科王給事。夢人送鄉試錄二冊。王取觀之。見上一冊。第二葉內。有沈希遠名。又展下一冊。亦見第二葉內。有蔣法名。再欲檢閱。其人從。遂寤。詰旦。沈造王。王為言之。及放榜。沈中第二十五名。錄上第二葉內也。後庚子科。蔣中第十九名。亦在錄中第二葉內。乃知上下二冊者。二科試錄也。

牌扁

占 夢牌扁之上。是元。是魁。必有奇應。不在本身。則在子孫。且其中借兆轉應。幾甚靈幻。凡夢皆然。而此為尤甚。占者宜細測圓推。大抵夢得此兆者。即不應于已。而事無不吉矣。宋徐儼夫。幼夢家有狀元扁。中釘以丁。儼夫狀元及第。後與丁謂。大不合。

初崑山張安甫。在祁州。嘗夢得一狀元牌扁。明日偶因公事。出至橋上。適見一木浮水面。問居民。皆不知所自。就令人作牌扁。自書明倫堂三字。寄歸崑山學中。以寓期祝之意。乙卯秋。恭靖朱希周。夢取此牌扁回家。以為鄉貢之兆。已而果得狀元云。

黃公度鄰人王氏。夢其居掛金書榜曰。狀元坊。自謂子孫必應兆。每誇語於里閭。久而益貧。所居歸於黃氏。不數日。公度捷書到。張元忭居羅萬化。同里對戶。羅既大魁天下。張尚未第。一夕。夢移其扁於家。及廷試。果以狀元及第云。

旌杆

占 凡夢此者。有吉無凶。嘗有一富翁子。入太學應試。忽夢門首樹旌杆八枝。時鄰家貧士。寄居入試。亦夢揚旂于其門外。及掛榜。其子下第。而貧士魁甲。明年。富家子以天書被譴。乃納之求救。樹旌入杆。

宛如
夢云。

簡籤

占

凡夢簡籤籤牌。上有名字。或見于自
夢。或夢于他人。皆主其人貴顯之徵。
商輅應浙江乙卯鄉試。與姚夔同舟。夔夢一吏持
方簡一片。至舟。連呼解元者二。簡上有商輅二字。
夔問曰。我中否。其吏轉過簡後示之。又
有姚夔二字。是科商第一。戊午姚第一。
費宏上春官。伯父瑄。方以都水主事。治呂梁。貽之
書曰。汝脫下第。毋南歸。宜入北監讀書。丙午還。宏
詢之曰。伯父何以知宏之弗第。而必令入北監也。
瑄笑曰。此爾遠到之兆也。吾嘗夢汝入監領班籤
籤。乃彭文憲故物也。文憲嘗遊北監。中狀
元矣。汝勉之。至成化丁未。果狀元及第。

封記

占

夢自書封條票記。是其科甲官職者。必主異日榮
達。夢他人將某科甲官職。封條票記。來至者。必主
指日富貴。如平常之人。夢人將封條
票記。來封其家戶什物者。又為不祥。
羅萬化赴會試。至杭州北新關。忽夢一老人。白衣
青巾。從浮橋下舟。揭舟上會試封條。易以第一甲
第一名數字。隨恍惚而
寤。及廷試。夢果驗云。

主司見夢

占

凡士人榮達。多見夢於主司。其兆不可預擬。其占
不可先定。其夢亦不見于其人。但天機畧露。使主
文者。不得不收。不至埋沒其人耳。
此闕文士升沉。不係主司得失也。
李旻與王華同鄉試。考官取華為解首。監臨謝御
史。嫌華白衣。乃更李。主文者。夢中得一舉中雙元
之句。後王華辛丑狀元。李
旻丙辰狀元。果符夢云。

店主見夢

占

夢見于店主者。乃其人之精氣感于天。以指點英
雄。洩露其幾。壯其人之膽。使之自信堅。自待厚。且

曰 使他人禮敬。少濟其窮途旅邸之厄也。但應有先後不同。

孫賢赴會試。途中投客店。主人具飲食。致敬于孫。孫疑其家有他會。問之。主人云。昨夜夢狀元至我家。今日必應此夢矣。是科下第歸。來科果及第。

秀才舉子諸類

占 凡夢中見是秀才舉子魁解。來有求乞者。或主其名。非是其人。有他物托靈。宜以別應占之。不以本人詳事。大象以仁心待之。則吉。

楊吳之尅豫章也。中書舍人徐善與妹。為一軍校所虜。既定。軍校請以禮聘之。善自以官族。不當與戎士為婚。固不許。校乃強納幣。竟之而去。善即詣楊都。求見楊渥而訴之。時渥初刷藩服。府廷甚嚴。僭擬王者。布衣游士。旬歲不得一見。善始至白沙。渥夜夢人來言曰。江南有秀才徐善。將來見公。今在白沙逆旅矣。其人良士也。且有請事。公可厚遇之。且即遣騎迎之。既至。禮遇甚厚。且問所欲

言。善具白其妹事。即命贖歸。時歙州刺史陶雅聞而異之。因辟為從事。

金陵有三大石甚古。吳仲庶作守曰。夜夢三舉子求哀。且曰。若不垂祐。明日當為煨燼矣。吳甚異之。詰旦。徧問僚屬。莫能原其意。既而視其牒。見兵馬司狀申。乞燒三醜石為灰。供修造之用。吳遂悟。勅寺僧愛護。元祐中。毛漸作漕。欲移置解舍。掘之。既深。而石根不斷。

賀人科第

人來賀

占 夢賀人登科登第者。兆主其人貴顯。夢人賀已登科登第者。兆主自身榮達。不論小大。凡賀人者。已

曰 宋色。人賀者。已增光。若非文士。不應子弟。反有憂事來臨耳。淳熙間。趙溫叔丞相。嘗力薦郭明復。劉光祖。楊之謂皆省殿試前列。且云。大好士人。壽皇宣諭云。朝廷用人。皆以才。安論科第。科第不過入仕一途耳。溫叔唯唯而退。越日。御製科舉論其畧。謂近世取士。莫若科場。及至用人。豈當拘此。詩賦經義。學者皆為得之。又何足分輕重乎。夫科場之弊。于文

格高下。但以分數取之。真幸與不幸耳。至于庭試未嘗有黜落者。盡以官資命之。才與不才者混矣。是科場取士之弊。在乎人君擇相之不審。至于懷姦私。壞紀綱。亂法度。及敗而逐之。不治之事已不勝言矣。宰相不能擇人。每差一官。則曰。此人中高第。真佳士也。終不參其才行如何。孔聖之門。猶分四科。人才兼全者。自古為難。夫監司郡守。係民之休戚。今以資格傳之。丞相雖擇其一。二。又未能皆得其人。及至陞對。既無過人之善。粗無凡猥之容。則又才能極精。共選國朝以來。過于忠厚。宰相而誤國者。大將而害軍者。皆未嘗誅戮之。雖三代得天下。以仁而啓誓。六師曰。不用命。戮于社。義和廢厥職。猶征之曰。以于先王之誅。况掌邦邑軍師之大事乎。其要在人君。必審擇相。相為官擇人。不失其所長。懋賞立乎前。嚴誅設于後。人才不出。吾不信也。朕延一二柄臣。皆能精白一心。盡忠無隱。宜勉乎此。更勤風夜。以懋庶績。豈不休哉。劾宣示溫叔色變。上曰。不謂卿等對曰。迅雷風烈。雖不為孔子。而孔子色變者。畏天怒也。由此言之。科第關乎民。社係于君。相夫詎小端。形于夢寐。可不慎之。

〇〇〇官祿

為官居位

占 夢身為陽世之官。居陽世之位。主身榮名達。異日必應佳祥。占為上吉。如夢居官位。而人世無此官。曰 爵位署者。主冥司陰府之兆。吉中伏凶。非喜事也。

王播登第後。夢為河南尹。視事。有二客至。東西坐。東者曰。崙邦如何。處置。西者曰。已科決。通出界訖。覺而書於詰牒。後別紙上。後二十年。果除河南尹。既至三日。洛陽令與分司。郎官偕至。問答一如所夢。蓋郎官奴。竊物而逃。送邑。邑判如此。播命取官誥。後所志驗之。相與歎異云。鄭處誨登進士。累遷工部侍郎。時族父朗為定州節度使。處誨因早朝。假寐於待漏院。忽夢已為定州東觀。察使。而朗為汴帥。留連飲餞。仰視屋棟。飾以黃土。實從皆所識。明年。朗果自定州鎮宣武。辟韋重掌書記。重將行。處誨告以所夢。明年。處誨轉刑部侍郎。其年秋。授浙東觀察使。行及潼關。朗遣從

事迎勞。仍致手書。令先疏所夢。比至汴。宴於清暑亭。賓佐悉符夢中。朗仰祝屋棟曰。此亦黃土也。四座感歎。處謝朗相繼卒。

見人為官居位

夢此者。兆主其人顯達。或老病者。則主其人不祿。凡人夢之。為遇貴逢亨之占。宜詳是何官位。以决

占曰

陳世祖薈嘗夢章昭達升于台鉉。及旦。以夢告之。後以功授鎮前將軍。開府儀同三司。一日待宴。世祖顧昭達曰。卿憶夢否。何以償夢。昭達對曰。當效犬馬之用。以盡臣節。自餘無以奉償。

選除官職

夢之者。貴人主得祿遷官。平人主獲財得子。宜詳是何官位。必有佳徵。老人受職位者。病至。已病者不祥。

占曰

元于文傳。方成進士。夢入選掛名。為長吳正官。覺而笑曰。我吳人。安得作長吳二縣正官。必無此理。初受官階承事郎。昌國州同知。益笑前夢之不足徵也。次當改選。乃授平江路長洲縣尹。無何。改知烏程。轉婺源州知州。安得再為吳縣正官。既而調吳江州知州。亦長吳正官也。

劉晝嘗夢貴人若吏部尚書者。補晝為交州興俊令。寤而密書記之。未幾卒。後旬餘。其家幼女鬼語。聲似晝云。我被用為興俊縣令。得暇暫來。倏辭別云。

潘玠與趙自勤同選。俱送名上堂。而官久不出。玠云。已作夢。官欲出矣。夢玠與自勤同謝官。玠在前。行。自勤在後。及謝處。玠在東。自勤在西。相視而笑。後三日。官出。果玠為御史。自勤為拾遺。同日謝。初引玠在前。先行。自勤在後。入朝。則玠于東立。自勤於西立。兩人遂相視而笑。如其夢焉。羅彥國累試不第。祈夢於梓潼神。夢神謂曰。已除君樞密直學士矣。明年彥國復下第。投牒乞進舉。

推恩授密州文學。蓋密學之應也。

官職簿籍

占

夢見簿上有名者。士人吉。平人不祥。見他人有名者。主其人官位。將臨。如官位非人間之職。則又凶憂之象。

劉守光為燕王。有尼出入其母所。張殷袞托尼求一文。學不得。一夕。殷袞夢入衙署。乃潛升廳事。見案上大簿云。職官姓名。乃檢河北道。見守光及文武職掌。莫不有名。便捉筆自書。文學張殷袞。但倉卒墨色頗淡。即驚覺。因識之。論語策後。翌早。守光遣人齋一牒。與殷袞。即文學牒也。劉母讓守光曰。我為尼數言不與。今何忽與之。守光曰。兒昨夢朱衣吏來言。張殷袞已注下。為文學訖。故與之也。殷袞得牒。視姓名。墨色果淡。晉天福中。其子希永嘗出父論語後所記示人云。

賣官買職

夢賣官爵與人。或賣他人之位。則主其人富貴。如所賣之官。係是冥司職守。則主其人不祥。或賣本身之位。則本身失祿。如所賣者。非人間官職。則為延年享福之兆也。○夢與人買官爵。或不應得官之人。詳所買是何官職。則陽福之至。與陰禍之險。瞭然可推矣。或本當得官之人。詳買何人之官。何官之爵。則吉占可決。若官爵非人世職地。大非嘉祥。

求官

占

夢求官者。老病之人。大為不祥。平常之人。主即有爭訟。文士夢之。求而得者吉。求而不得者凶。○夢于求于人者。主恩澤至。○夢人來于求者。主權位。○夢薦舉他人者。主身失勢。○夢他人薦已者。主名位起。

王汾作館職。忤王安石。乞外任不許。夜夢人告之曰。子欲得郡。須求元公。時元厚之為叅政。汾往求之。厚之曰。介甫意思不婉順。未可議也。然介甫屢爭事不合。恐旦夕出矣。姑俟之。未幾安石果出知

金陵。汾竟得兗州。厚之之言。既驗。而兗字亦合元公也。

賜官爵

占 夢天賜者。德之報。夢神賜者。福之徵。德福所兆。大吉之占。或賜其人。或賜其子孫。各有奇應。君子當焉。非尋常之兆也。

秦主苻健之入關也。夢天神遣使者朱衣赤冠。命拜符堅為龍驤將軍。健翌日為壇于曲沃。以授之。健泣為堅曰。汝祖昔受此號。今汝復為神明所命。可不勉之。宣和中。方臘犯諸暨。其士人黃汝懌。以財物一萬緡。贖賊所掠士女千人。夜夢神告曰。上帝以汝活人多。賜五子科第。其後子開閣。開門闔皆登第焉。

稱報官爵

夢人云是官。或云得官者。大吉。有貴人至。凡夢人稱某官。人報某官。及神鬼稱報。皆當隨所稱報。是

占 何官職。或應人間爵祿。或應陰府職司。見兆各有不同。意義自然各別。占者定須隨人隨地。隨其姓氏名目。爵祿等級。而準測之。必有奇驗。至若所見奇詭。所應靈幻。又非占驗家所盡述耳。

張光晟家甚微。而有才用。性落魄嗜酒。壯年為潼關卒。屢被主將鞭笞。因奉役至華州。盛暑驅馳。心不能平。過嶽祠。遂脫衣買酒。致奠金大王。朗言曰。張光晟身負才器。未遇知己。富貴貧賤。不能自料。惟神聰鑒。當賜誠告。禱訖。因飲大醉。晝寢于禪堂。忽夢傳聲云。喚張光晟。迫感甚急。即入一府署。嚴邃異常。導者云。張光晟到。拜跪訖。遙見當廳貴人。有如王者。謂之曰。欲知官祿。但光晟拜相。則天下太平。言訖。驚寤。洽汗。後積勞官至司農卿。及建中德宗西狩。光晟為朱泚所縻。奉泚甚力。每有戰。常在兵出戰。大敗而還。天下遂太平。方寤神告云。潞公文彥博。少時從其父赴蜀州幕官。過成都。入江瀆廟。觀畫壁。官接之甚勤。且言夜夢神令灑掃。祠庭明日有宰相來。公豈異日之宰相乎。潞公笑曰。宰相非所望。若為成都。當令廟室一新。慶曆中。

潞公以樞密直知益州。謁廟。方經營改造。江中忽漲大木數千。蔽流而下。取以為材。廟成。壯甲天下。鬼神能窺其機也。

梅詢坐議天書。出知濠州。夢人告曰。呂丞相至矣。既而呂夷簡通判州事。待之甚厚。其後援之廢斥中。登貴顯。皆夷簡力焉。

張文懿為社令時。出城遇村寺。老僧出迎。邂逅過之。亦必出。文懿怪而詰之。僧曰。夜夢山神告某相公至矣。一日復往。而僧不出。文懿曰。不出何也。僧謝曰。神不我告也。文懿以為誣。使僧問其所以。夜夢告曰。長官誤斷殺牛事。天符已下。不復相矣。文懿驚駭。省之。果嘗有殺牛事。遂復改之。明日過寺。僧復出曰。昨夕山神。言長官復為相。明日當來。但減算耳。後果入中書。

余靖嘗夢神人告以官止工部尚書而死。秦亭後至是官。常畏過秦。及安撫廣西代歸時。年已六十。五途卒。其處則江寧府秦淮亭也。

馮京少孤。寓武昌。縱飲不羈。一夕醉臥郊外。溪邊有漁者。罷漁。艤舟而寢。有人叱之曰。馮侍郎在此。安得不避。漁者驚起。登岸。見一人衣冠。熟寢草間。詢之。知為馮也。因請卧舟中。以避風露。具以夢告。且曰。秀才他日貴顯。幸無忘馮。睡至曉。共載入郡。其後馮貴。使訪漁舟。不復見。

王蜀時有朱姓者。貧賤。客于成都。因寢旅舍。夢中有人扣扉。覓朱少卿。其聲甚厲。驚覺訪之。寂無影響。復睡。夢中又連呼之。俄見一人。手中執一卷云。少卿果在此。朱曰。我雖姓朱。非少卿。其人遂卷文書兩頭。只留一行。以手遮上下示之。果有朱少卿三字。後蜀王開國。有親知引薦。累至司農少卿。華松家本孤微。其母夜夢兩人夾門。言司隸在此。松後果為司隸。

高元裕於太和三年。任司勳員外郎。寓宿南宮。晝夢有人告曰。十年作襄刺史。既寤。私異之。因援歷年。洎開成三年。為御史中丞。遂謂夢固虛耳。是後出入中外。敷歷貴位。至大中二年。由天官尚書。授鉞漢南。自題記後。解署補葺。亦屢矣。且謂楹上字。

夢占

無復存也。及與好奇士。同往觀之。則毫翰煥然。獨存。高因屈指。以今之年。加曩之十。乃二十年矣。獨浦城李景韓。謁城隍廟求子。夢人謂曰。大王與汝余都主簿。因而生男。遂名之曰。夢祥。弱冠登第。任余都主簿。到官謁城隍神廟。見有一判官。倒于階下。從者見其貌似夢祥。為言之。夢祥問廟祝。此判官倒幾年。云。已經二十六年。時夢祥年正二十六。無然曰。殆我也。倩工救塑。工畢而夢祥卒。

貴人入家

拜見貴人

占

凡夢官吏入門。富貴大吉。夢欲見貴人官吏而不

得者。凶。得見者。貴。夢相對貴人親近者。吉利。拜謁貴人者。主有扶持之力。事無不吉也。宋江。璘鄉稱善人。其鄰史知縣者。夸其能杖笞才士。璘俛首不答。歸語其子燁曰。史固寒士。今居官。以校士人。自喜。史氏且不昌。汝其戒之。是夕燁妻陳氏。夢一貴人入其家。曰。以汝家長有善言。故來。已而有娠。生萬里。為宋相。家居死節。列忠義傳云。

上任去官復任

占

夢上官者。大吉。主財物至。有阻碍不祥。夢去官者。凶。有阻碍則吉。平人夢去官。兆主失財。老病者。夢之。主延命。夢復任者。事皆亨泰。重整規模。

蜀葉逢。夢乘船赴任。江上候吏。旁午。迎入石窟。忽報勅下。授水部檢校員外郎。後覆舟於健為郡。青衣灘而死。

封贈。廕襲。代職

占

夢封公侯者。貴人吉。平人凶。夢封官職者。主子孫大貴。夢贈官爵者。贈自身吉。贈父母。主父母有凶災。夢廕及子孫者。貴人吉。平人主小口有災。夢襲先人官爵者。無不吉利。各宜詳其來歷。非可一而占也。夢身為封君者。子秀則吉。子不肖。主其子有刑。夢身為公子者。父貴則貴。父富則富。父凶則凶。夢代他人官職者。推是何人。又是何官。彼吉則無不吉。彼殃則無不殃。或為陽職。或為陰司。各

夢占

有兆露。詳測自明。難以預論耳。

官誥文憑符勅

占 夢得官誥者貴。失官誥者凶。有文憑者榮。無文憑者辱。人授官符貴子。失官符者兒亡。亦須詳其文誥。有升有降。有陽有陰。是何品級。是何制勅。吉凶可知。

江南大理司直刑陶。夢人告云。君當為涇州刺史。既而為宣州涇縣令。考滿復夢其人告云。宣州諸縣官人。來春皆替。而君官誥不到。刑甚惡之。至明年春。罷歸。有薦刑為水部員外郎。牒下而所司失。去。復請二十餘日。竟未拜而卒。

戴胄素與沈裕善。胄以唐貞觀七年死。至八年八月。裕在州。夢胄衣弊。容頽。見裕悲喜。裕問公生平。修福。今者何為。答曰。吾昔誤奏殺人。吾死後。他人殺羊祭我。由此二事。辨答辛苦。不可具言。吾平生與君友善。竟不能進君官位。深恨于懷。君今日得五品文書。已過天曹。故以相報。言畢而寤。九年春。

裕將歸江南。行至徐州。奉詔書。授裕五品。為婺州治中。

牌書官爵

占 夢此者。祥其何名。各有玄應。詳其何官。官有變通。大要吉占。但宜圓測。

神宗嘗夢入大第。有植牌。以金填字曰。宰相項安節。寤而求之。乃太學生也。慈聖解之曰。項安節。即吳克也。頸有瘤焉。

吳員外瑞。初登第。其同年吳洪。夢瑞牙牌上。刻吏部都水司。初不解。後瑞選南京吏部考功主事。竟轉工部都水司員外。始驗夢云。

賀人得官赴任

占 夢賀人者。其人昌。來賀者。本身吉。如老人及病者。彼此非祥。

迎送官府

占 迎吉人者吉。迎凶人者凶。送凶人者吉。送吉人者凶。如身係官府。為人迎者。主陞遷。為人送者。主落職。又有冥司相迎。宜細詳之。

俸祿

俸祿者。人主恩榮資育之物。形于夢寐。必主生人食祿多寡之數。又俸為人奉祿。祿為衣盡。當主得服飾。器血之占。貴人夢此。則主君惠。平人夢此。則主天數。告益者。言損者。妖其例甚變。善占者察焉。

賜祿支俸

占 夢賜祿者。兆主福吉。告損者。妖。其例甚變。占者詳得多。則福壽並添。得少。則福分不永。○獵者夢之。賜為四祿。為鹿。當得四鹿之應。○平人夢之。支數十二。當有十二人相敬之占。張轅自奉天尉將調。以右騎在浙西。與已有舊。欲往干謁之。來到。夢人送官誥。至云。張轅可袁州新喻令。轅言已曾為赤尉。不應作此官。不肯受。其人曰。兩季俸支牒已行。遂委之而去。及轅見騎。騎以

轅選限尚遠。勸署毘陵鹽鐵場官。轅以貧故強受之。既至。視簿書所用印。乃新驗度印也。四月領發九月而罷。支兩季俸云。

俸增減

占 夢增俸者。官陞業茂。命永家亨。夢減俸者。職降壽促。有罪人夢之。又為減科吉兆。不可泥也。

停俸

占 兆此主家居有絕糧之厄。客途有病殍之災。必非佳祥。

借俸乞祿

借得俸者。主有暫時之通。目前獲利。借不得者。缺食。人來借者。不與吉。與之已減色。失利。然應在貴人。則為官牒。應在下人。則為文契。左券之占。乞得祿者。主壽添。飲食豐隆。不得者凶。文士夢之。得則叔錄。否則失名。夢人來乞祿者。主有求薦求貨之應。貴人用之。必有士子乞取科第也。

追償俸祿

富者夢之。產業將衰。老者夢之。年命已終。隋侯養先家。構佳園。山水環遶。花木爭菲。珍禽奇獸之類。無不備蓄。又置美姬婢百人。琴奕管絃。鞞蹻歌舞其中。窮極娛樂。時號小隋煬。有一女姬。夜夢黃衣人。持檄來謂曰。與汝主追償食祿。寤而白養先。以為無祿之凶。方在疑嘆。忽園史報羣鹿齊斃。乃知其應。然未數年。養先身家並亡云。

祿料

韋臯為張延賞塔。落魄不得志。一夕夢神人語云。吾子名係葛瓚。祿食全蜀。富貴將及。他日毋忘葛瓚。後節度全蜀。乃作南宮閣四十。範金刻石。自製碑文志之。蓋臯本命丁卯。屬葛瓚也。吳越元璪。次子文奉。以蔭為中吳軍。衙內部指揮使。某在郡。登烏鵲橋。見禽獸充牣城中。旁一人云。此二郎祿料也。後改節度副使。幾三十年。及嗣元璪為節度使。累加至檢校太尉中書令。壽八十一。

〇〇〇壽算類

祿命籍

凡人壽命食祿。皆由冥定。非形于夢。無從見兆。詳于冊籍。註長則命長。註短則命短。註多則祿多。註少則祿少。然惟官高壽永者。乃得兆此。必應斯占。非偶言已也。婁師德少寤疾。夢紫衣人來召之。行數里。見路傍廨署。朱門甚高。曰地府院。師德入其院。吏卒辟易。見一王者曰司命。主世人祿命之籍也。有書數千幅。在案上。傍有祿衣者。稱為按祿師。德視已名。歷官次第。位至台輔。壽至八十。驚寤。疾亦間。後入仕。歷官。咸如夢中所見。及為西涼帥。見黃衣使者來召。師德曰。吾見司命之籍。位壽俱高。何為遽見召。黃衣人曰。公為某官。悞殺無辜人。位與壽為主吏所降矣。卧疾三日卒。

告以延壽

占 夢此者。主其人積德。必享遐齡。故有斯兆。且須獲夢增修。其占乃驗。

曰。任夢長人感已。寶禹鈞家甚豐。年三十無子。夜夢亡祖亡父。聚謂之曰。汝早脩行。緣汝無子。又壽數不永。禹鈞唯諾。後十年。復夢其祖父告之曰。汝自數年以來。名掛天曹。陰府以汝有陰德。延三紀。賜五子各榮顯。

告以壽盡

占 夢主其人年數應終。故神靈警告。非大德之士。卽窮惡之人。兆之者宜反躬修省。或可開天之意也。

曰。度化縣令王。瞻罷任。歸建業。泊舟秦淮。病甚。夢朱衣吏執牒至曰。君命已盡。今奉詔。瞻曰。命不敢辭。但舟中狹隘。欲寬假之。使得登岸卜居。無所憚也。吏許諾。以五日爲期。至日。平明。且當來也。既寤。便能下牀。自出。僦舍。營辦凶具。教其子哭踊之節。召六親爲別。至期。登榻安卧。向曙乃卒。晉沙門道泰。嘗夢人云。君命當終六七。泰年至四十二。遇篤疾。慮必不濟。悉以衣鉢之資。厚爲福施。

歸誠觀世音不替。時所坐牀帷下。忽見人跨戶而入。足趺金色。光明照屋。泰乃舉帷遠視。奄然而滅。驚喜交集。因流汗遍體。所患頓差。

神許壽數

占 夢此者。許益多者。壽數多。益少者。壽數少。果能純心修德。則既兆此占者。必有福佑。非冥數不能前定。乃其人之德。所能轉移。豈非大吉之兆哉。

陳希亮嘗夢。異人按圖。告其壽止六十四。至是英宗立。遷太常少卿。適當其年。乃求致仕。果卒。門蔭琅少孤。母沙氏守節不二。老疾藥弗効。琅憂懼。每夜露禱北辰。所以身代時母疾。劇不粒食。者七日矣。忽蘇。謂琅曰。適有神語我云。而有季子加壽。三十四疾愈。變爲風痺子媳。晝暮扶掖三載而沒。乃三十四。四月云。

徐溥謂范文正公廟。少憇假寐。忽夢一人朱冠來曰。君壽還有兩于。覺而思之。以爲二十年也。其後

二十二年卒。蓋千字。兩
十兩一。合為二十二云。
查道嘗夢神人謂曰。子位至正郎。壽五十七。後官
至右司郎中。享年六十四。人以為寬厚仁孝所延
云。

梁延嗣事高氏。歷四帥歸宋。授復州防禦使。嘗暴
疾。禳於城隍神。其夕夢神告以九九之數。俄而疾
果愈。壽至八十有一歲。

人賀壽

賀人壽

占 夢人來賀已之壽。少年不吉。中年為瑞。老年大凶。
貴人。主有郡邑地名。遷轉其處。平人。主有恩榮小
日 慶賀人壽者。主其人永算也。

馮綺年七十二。誕日。夢一緋衣人以二綺羅稱賀。
寤。即呼童書之于東。明旦召子婿設盛饌飲之大
懽。綺執束示之曰。吾壽止于此矣。眾皆曰。夢人賀
誕。佳兆也。綺曰。二疋長七丈二尺。與吾年符。遂卒。

嘉禮

新冠 吉

占 夢主頭角呼喚。冠冕一世之象。仕宦夢之。主陞位
加官。平人夢之。主舉頭有碍。如見人新冠者。主其
日 人成立
顯達。

賀冠 吉

占 進爵加官之兆。

華陽范鎮。以少司徒致仕。將行。夢王安石持燭稱
賀嘉禮。却之不受。安石曰。既冠當賀。却之不恭。及
旦。蘇軾行賀。鎮以夢告之。蘇軾曰。公雖退。名益重
矣。後封蜀郡公。軾書曰。賀冠持燭之夢。今果驗矣。
燭無火。蜀字也。

命子冠 大吉

占 夢此而有子者。主其子超群出眾。應試必居榜首。無子者。主得佳兒。如子夢父命者。兆主成人自立。能繼父業。平常之應。凡事必居上首。爭先。為佳祥也。

女子冠笄 吉

占 夢見女子新冠者。文人功名顯達。平。聲技精高。如女子自夢新冠者。主得貴子。閨女夢此。為女中丈夫。或身變女子而冠者。為陰陽變合。反覆不一之象。

道者加冠

占 夢此者。主道紀有權。如仕人夢之。主得臺官。如平民夢之。主獲賊盜。

僧袖披剃 大吉

占 人曾為僧。生生不已。頭上光。得人度。受齋納寶。結萬方緣。嘉祥之象。夢之主善繼前人。遊方之外者。也。

出家還俗 凶

曹確判度支。亦有台輔之望。一夕夢剃髮為僧。心甚惡之。有一士人占夢多驗。確具以所夢語之。士人曰。前賀侍郎。旦夕必登庸。出家者。號剃度也。行且驗矣。無何杜栢出鎮江西。而確遂代之。

剃度僧尼 吉

占 主結得人緣。

議結姻戚 吉

凡為夫婦者。皆前生之緣。其有求而展轉反側。分雖必于未定之先。時不將于未婢之頃。徵之著龜。形之夢寐。露其幾于未露之際。云耳。若夫姻親既結。成姻嬭已久。而夢寐之中。反生異議。非媾醮之

曰謂也。主有朋友之交。接擬議以成其變化。貨財裝束。皆係前緣。此其所以假寐如戚之議。以漏天機而已。

定允吉

曰占。夢主成。立之徵。

受聘吉

曰占。聘者欲招之來而先致其恭也。有為君聘其臣者。有為父聘其友者。有為子聘其師傅者。而婚聘為治家之要。大倫之本。恒人之所見知。但知有婚聘。是以夢中形見。其驗不同。凡夢此者。皆吉祥之兆。夢辭却之者。義也。情也。

行聘

曰占。夢之主財物與人之象。鰥寡孤窮。夢之皆吉。若為人大而夢聘妻。為人婦而夢聘贅。皆凶。

裝奩

廉吏何敬叔。值歲儉。榜門受餉。夜夢子媳裝奩五十六車。車載珍寶各百斗。斗上一角。曰。此非清約者之夢。心甚惡之。及端陽節。得米二千八百石。盡輸國稅。蠲貧民之租。

陳寔語其子曰。兒娶婦時。吾夢奩中萬羊。使者引弓射之。今生孫群。他日貴為僕射。後陳羣官尚書僕射。朝士稱之。正直大賢。

尹顯。夜卧驚省。呼弟朗曰。夢大不祥。奈何。弟曰。何夢也。曰。夢備嫁女。裝甚盛。弟為揷裝。我未生女。備裝何用。朗曰。日後生女。得備盛裝。今豫兆耳。尹氏有田。為張氏所奪。顯憤大闕。張氏詐作傷命。訟。顯當坐。朗痛恨。自擊。腦裂而死。

子舍婢姻吉

曰占。得作翁姑。孫枝茂盛。家道成矣。

夢林玄解

嘉禮

三

夢占

出嫁 凶

占 夢女出嫁主破家。妻出嫁。主再醮。女夢人迎娶者。大凶。男夢自身出嫁者。主有遇合。

娶婦不行禮 貞吉 否凶

占 此得華服之兆。若夢鼓吹迎娶。大凶。

結姻稱賀 吉

受人慶賀。必有佳祥。人稱結姻。是緣分成就。夢之主有因得吉。仕宦乃升爵加祿之徵。平民乃遇新相知之兆。
張鑑初應選舉。夢諸戚設燕。花燭滿堂。有趙氏執官曆稱賀結姻。寤不悅。曰。稱賀結姻。非美兆也。及大曆中。守工部尚書判度支。曰。昔夢人持曆賀嘉禮。今驗之矣。

歸寧 大凶

生寄也。死歸也。人之生也。多事少逸。人之死也。飛體寧。男夢必凶。女夢或吉。有新娶者。夢妻歸寧。以問其父。父曰。此生離之兆。或曰歸寧是常禮。何謂不祥。其父曰。婦要歸寧。是不忘其母也。吾子夢之。他日此婦當再醮。後五年。果以不孝去。

退悔姻眷 凶

占 破敗滅亡之兆。

再娶 否凶

占 男夢兩妻。主作事重疊。再得他人財物。女夢其夫再娶。主言辭反目。若病中夢之。主來生之事。或有舊日相親者。則邪陰假此以入戶庭。大凶之兆。

私約

占 此非正人君子之所夢。而見之者。主有意外之緣。陰事有成。

取婢吉

占 此直叶之夢也。但以形貌詞氣。衣裝景物推之。其所驗者無爽矣。

私奔別地成姻

占 惟彼有情。我心不寧。急走荒野。潛入幽庭。淫心將作。色膽無驚。惟爾麗姿。念念在茲。今宵何幸。人莫知之。見知惟灼。育成于斯。花燭輝煌。合卺象房。指天祝誓。世世不忘。天網依律。禍及徬徨。邪淫之夢。

以妾為妻

占 君子夢之。因禍而得福。小人夢之。因小而獲大。夢見他人。伊有盜心。正婦夢之。殞亾在卽。婢妾夢之。依樓身側。

以妻為妾

占 妾于字為立女。以妻立女。為老陰化少陰之象。夢之主樓止之地。陰氣重。陽氣衰。宜以遷移應之。又

立女乃招婿之占。妻為我之匹配。定主親上連。入贅佳婿也。丈夫夢之。閨房積聚。私蓄豐盈。又

妻無。而妾有也。

安麗華。貌如貴妃。才通文藝。其父為大學生。嘗有此夢。招贅卜之。瞽曰。妾者。接也。妾子窩也。須防盜至。未幾。遭朱泚之亂。麗華逃隱娘廟。後作屠婦。

妻嫁他人

兆此。王家業消散。陰人異心。門戶虛空不祥。

朱淪盛時。忽夢其妻。來別嫁與隣間豪貴之家中。甚悽慘云。何身係冤獄而死。

買妾

夢此。主明日有兩人疾趨至門爭。詈口舌之禍。蚤起以鏡懸門可解之。

又此兆。恒屢正應。或吉或凶。必詳其夢中所見姓氏形貌以推之。可知其詳。

賣妻妾

此為陰私交散之兆。又為子身無倚之占。

為人妾 凶

出人之下。立正之旁。為副為側。為偏為竊。定主身。作宵小狗鼠之行。凡事為禍。亂將作之兆。妻者。悽也。居妻之下。涕泣象也。惟女婢夢之。反吉。易安。夢為商人妾。未幾夫死人手。

為媒

與人說合之意。

女約奔走

夢女約來家。為有私情之約。夢身為女約在婦。女。當主生羨秀婢約之女。夢見奔走。陰私勞碌。

妻作媒

夢母作媒。或夢妻作媒。皆主納寵得妓之占。但有口舌。

○○○ 姤孕

姤合

夢與他人交合。主為人幹蠱。小有悔。無大咎。厲終吉。○交接男子。主失財。○與婦交者凶。○與男人交者吉。○玩弄陰戶者。主爭詈之災。○陰陽相對。抵推不合。必有大閔。○抱懷不亂。主歡樂喜慶。和而不流。萬物迴春之兆。○合入不終者。作事反覆。謀利不成。○聯夢美女交構。主崇厲損精。宜正心。以辟邪。則諸淫鬼遠之。而不能相侵。

寢媾

若夢中妻妾奴婢。抱挾枕邊。是人之常。無足怪者。而動靜詞色。聲音笑貌。或其家之所無。或已身所

占 曰 不與。或理所不當與而嘗與處者。或事所宜然而身未嘗若是者。或心之所慕而未嘗及者。或向之所為。而令久弗為者。若是者。皆當以其細推之。凡夢與妬嫉處。夢與娼妓處。夢與姥姬處。夢與童子處。皆非吉兆。而夢與妮姑同寢。或亡過妖魂者。大凶。晉咸和初。徐精遠行。夢與妻寢。有身當為。巫師死。作社公。明年妻果產。後如其言。

懷孕

占 曰 氣從有胎中生。胎從伏氣中得。陽氣動。動極而靜。靜而生陰。曰巽。曰離。曰兌。其胎為女。陰氣靜。靜極而動。動而生陽。曰震。曰坎。曰艮。其胎為男。陽氣生。水生木。木屬肝。肝主血。血主于胎。而為女。會氣生水。水屬腎。腎主精。精主于胎。而為男。陰陽合閉而生。金屬肺。肺主氣。氣會而成胎。懷孕。胎四于九百刻而分娩。夢懷孕。即此神也。夢婦懷孕。主有財。夢妻懷孕。主外私。夢見姪婦懷孕。主事成。張司直疾病。夢身懷孕。甚惡之。葉光遠曰。此去遇壬辰日當愈。懷孕。姪娠也。有大福也。至壬辰日果

瘥

生育

賀人生育

金丹妙訣云。胎成十月生。個個會騎鶴。世所稱鶴神。即此也。鶴善鳴。鶴神主耗。故夢見童主口舌。而修煉大方家。善養生者。夢懷胎。為得道。夢兒童。為嬰兒。姪女。夢產育。為不祥。氣聚氣散之說也。恒人之家。夢生男。為疾病。夢生女。為失財。夢抱新生子。孫。為大發。生男。生之謂也。夢小口病死。為口舌消散。者。積愆而有災。改過而成祥也。好學之士。夢孕育。而得遂志。得賢良。得進取者。何哉。參贊化育之志。使然也。凡占此夢。宜以六節之序。六甲之盈虛。非所仰而推之云。

托生

占 曰 夢此主產業廢興。當因其聲音顏色推詳焉。或相與往來。有事相托。而夢寐之間。假借托生。以為生克之兆。或前生未了。或天降異人。而豫為兆。若夢骷髏。妓女野僧者。不祥。

夢林玄解

卷一 姑孕

三

夢占

司徒高彦。夢一道士。仗劍至臥內。曰。來爲司徒子。要戮數千仇耳。高異之。是月妻果有孕而生子。各禮。

彌月

占 主凡事有三十日之占。

周歲

占 及期之象。周旋之兆。

小產

占 此夢主口舌消散之兆。又疾病捐除之象。若有妊者。須防血叶。

分娩生二子

占 仕宦夢之。主官爵高陞。一品之兆。平民夢之。主是非口舌。連累之兆。

產下鬼形

占 文墨之士。夢此。曰 主大魁天下。

見人產兒

占 夢見尊長產兒。主小口興財。夢見卑幼產兒者。主添神見男子產者。主得子見女人產者。主得財。如曰 夢妻女產兒者。而主子孫茂盛。夢父母產兒者。祖業空虛。

身是小兒爲人產下

此夢出入腹我之兆。

解卷之十

卷之十 胎孕

夢占

此夢出人親其之兆

夢見小兒為人塗丁

盜夢父母塗兒者而主于親其

占

夢見文童兒者而主于親其

占

夢見尊長塗兒主小口與印夢見卑幼塗兒者主

見人塗兒

占

主大過天可

占

文墨之士夢此

不可見紙

夢林玄解卷之十一

夢占

政事部二

疾疫

火盜

恩讐

殺鬪

毆詈

〇〇〇疾疫

寒熱

凡夢身軀上關國政下係宗支為政苛虐黔黎受病為政懈弛邊疆受病不能齊其家而居處病危此為人之大病也貪污暴虐而國家之病發內有賊盜外有夷虜非良將不能平風寒暑濕而脈絡之病發蠱痛癆瘵疫痢腫疽非良藥不能治是故醫比將才藥比兵卒身發寒熱者病之初起也夢中見之為禍亂之徵在一家為家事不寧也

痛癢

疾疫

夢占

占 身無瘕而夢中疼痛痲癢。主神氣不和之象。夢頭疼。天變。瘡。主風霧。心痛。主有事。瘡。主病至。手足。主昆弟子任。腸胃。主家業。或吉或凶。詳載形貌部。

嘔吐

占 病者夢之。主病痊可治。有患難者。夢之無妨。應試夢之。大吉昌。衰老夢之。身體康。

身病

占 君相夢疽癩。主政教之廢弛。臣民之亂離。父老夢疫癘。主家業之傷殘。或兆此而應在歲月。或兆此而命在須臾。病臥床褥。主精神虛損。病坐舟車。主風波險阻。作事夢之受辱。安居夢之遭殃。為考試為爭訟。為脩置產業。不可不審而行之也。夢中病輕者其患淺。病重者其患深。夢病即瘥者得吉之徵。

人病

夢君王疾病者。主世亂年荒。夢宰官病者。主失血得枉。夢懷抱病人者。主是非爭訟不成。夢父病者。主精虛。夢母病者。主血疾。夢子病者。主神傷。夢妻病者。主屋宇損壞。夢兄弟病者。主手足有瘕。夢鄰里病者。主他人病而驗果在其人者。情之所感也。夢他人病而驗果在其人者。情之所感也。張甲與司徒蔡謨有親。僑任謨家。行過朝不反。謨晝眠。夢甲云。暫行忽暴病。某時死。謨覺。使人往就行所驗之。果歿。

治病

釋智瓌。姓張氏。年二十。染病。經歲醫藥無效。忽夢一人形色非常。從東方來。謂曰。我今來為汝治病。即口就瓌。身次第呼吸。覺後病痊。遂離俗。投安靜寺。為慧憑弟子。後在寶林寺。行法華三昧。宋羅妻費氏。誦法華經不倦。後費病甚。夢佛自窓中。投手如席。費病遂愈。

授藥療病

夢主積善所致也。鬼神之德。旦暮弗離。人體而在。天無形。陰陽相隔。是以現之於寤寐之中。人為物欲所拘。而鮮能知味。病從口入。非藥莫能療。病入于裏。脉息所不能辨。藥力所不能及。庸醫所不能治。則雖命運未絕。而殘殤夭折者有焉。天道好生。或作物授藥。或借夢授方。服之即痊。此非修德向善。感動神明者。莫能與于斯。

李景純傳有一婦人久患痢將死。夢中觀音授方服之遂愈。用木香一味。細末。米飲調。

虞雍公并甫。紹興二十八年。自梁州守。召至行在。憇北郭外。接待院。因道中冒暑。得泄痢疾。連月重。九日。夢至一處。類神仙居。一人披服如仙官。延之坐。視壁間有韻語藥方一紙。讀之數遍。其詞曰。暑毒在脾。濕氣連脚。不瀉則痢。不痢則瘧。獨煉雄黃。蒸餅和藥。甘草作湯。服之安樂。別作治療。醫家大錯。夢回。尚能記。曰錄之。蓋治暑泄方也。如方服之遂愈。

劉靈哲。字文明。其母嘗病。靈哲祈禱。夢見黃衣老曰。可取南山竹笋食之。靈哲覺。如言而疾瘳。

齊竟陵王崇。信內典。得熱病。夜中垂死。夢見金像手灌神湯。因遂平復。

齊建安王。患瘡。念觀音不息。夜夢見觀音手為傳藥。明旦瘡愈。

梁隱士何點。少嘗患渴痢。積歲不愈。後在吳中。石佛寺。建議講。於講所晝寢。夢一道人形貌非常。授丸一掬。夢中服之。自此而差。時人以為淳德所感。

夏侯詵。性至孝。母病醫無方。夢其父告曰。汝母非凡藥可愈。天帝憐汝孝。賜以仙藥。在居後桑樹枝上。汝自取之。既寤。往視之。果得藥進服。母病遂瘳。

丘傑。字偉詩。吳興烏程人。年十四。遭母喪。以熟菜有味。不嘗於口。歲餘。忽夢見母曰。死止是分別耳。何乃茶苦如此。汝敢生菜。遇蝦蟇毒。靈床前有一丸藥。可取服。傑驚起。果得甌。甌中有藥服之。下蚪蚪數升。丘氏世保此甌。

陳宜中。夢人告之曰。今年天災流行。人死且盡。服大黃者生。繼而疫癘大作。服者果不灰。

吳大嘗以泥補葺善神。後因結屋墜梯。折傷腰。勢殊亟。夢神來云。汝昔嘗救我。我不敢忘。授以乳香。飲其方。用酒浸。虎骨。敗龜。黃耆。牛膝。草薺。續斷。乳香。七品。覺而能記。即喚子買藥服之。一旬而愈。

秀州進士陸迎。忽得疾。吐血不止。氣歷驚顛。狂躁跳躍。雙目直視。至深夜。欲拔戶而出。如是兩夕。諸醫。遍用古方。及草澤丹方。不效。舉家哀訴。所事觀音。一夜。夢授一方。用益智一兩。生珠三錢。青皮二兩。麝一錢。碾細末。燈心湯調服。既寤。如法服之。即愈。

張汝明。至孝。居喪。飯脫粟飲水。無醯鹽草木之滋。浸病羸。行輒踣。夢父授以服天南星法。用之。驗。以為孝感云。

復州醫王超。善用鍼。死。經宿而蘇。自言夢至一處。城壁臺閣。如王者居。見一人臥。召前脉視。左膊有腫大如杯。令超治之。即愈。

為鍼出膿升餘而寤。

福建崔從事。檢身正直。為幕府所重。奉使湖湘。復命在道。遇賊。同行皆死。唯崔舍。皇中忽有人引路。

獲免。中途復患疝疾。求藥無所。行次延平津廟。夢神賜藥三丸。服之。驚覺。頓愈。

元陸思孝。母病痢。醫禱不効。思孝方欲刲股肉為糜。以進。忽夢神人授以藥劑。寤而得之。以療其母。痢果愈。

陳太后。夢一神人。朱衣象簡。餽藥如丸。燁燁有光。吞之。既覺。異香襲體。因而有娠。至大曆元年九月十八日。遂生我太祖高皇帝。

人言勿藥

庸醫不知病原。而用藥差誤。以及劫藥。似是而非。蓋有之矣。或夢中警省。弗藥去病。必夢祖考天神。關帝。佛菩薩。觀音。大士。普度衆生。若夫疫癘癆蟲。皆有邪祟。假作美粧。或似神將。或似親鄰。或似豪俊。駕言勿藥。病中惑之。却醫而死者。比比皆然。凡夢此者。必審其象貌。為何人神。又當卜筮。而卜筮者。亦有虛妄。以傷其生。則命也。噫。

有一貴人病瘵。其尊人欲以剪草膏治之。九日而藥成。前一夕。病者夢人戒以勿亂服藥。次日遂疑不服。及強之將服。又為屋土墜器中。不果服。再合未就。而病者卒矣。乃知藥甚効。而病者當死。鬼神不令得服也。

胥母里媪。病蠱。衆醫莫能治。邑宰問之。召胥命曰。吉財草。加甘草下飲之。即愈。胥乃具藥。及旦將飲。其母。母夢人言。飲吉財草立死。遂不肯飲。胥曰。是夢中蠱鬼為祟也。力勸勉強服之。二日而瘥。

神授養生之道

高邁欲作長明燈頌。一朝染目疾。朦朧而不自審。從何得也。夢神人語邁曰。子於長明燈。其有負乎。邁應聲而寤。寤而起。起而作頌。明日目愈。

淳化癸巳冬。李君房至餘杭。患瘡瘍。謁伍大夫廟。見有梅數株。已爛燉矣。是夜夢上一山。見道非。運籤牌。君房問之。道士乃抽一牌。朱書大字二行云。時來會者期。此去不憂運。行心但如此。不久銷疾。

病。君房喜而別。既下山。聞梅花香。回望其上。乃昨所見也。既覺瘡瘍漸愈。後知錢塘。作文志之。王大猷于乾道年間。夢神人欲授以養生之道。自是虔志事神。至淳熙中。純陽大仙。跌足敝褐。而見之。大猷知其為仙。加禮相接。問其姓名。俛而不荅。稽首叩之。傳以異方。遂致藥博施。世稱王省幹宅。遇仙丹是也。

病忽痊

占 身無瘥。而夢病起者。王運通。夢無疾人病起者。王其人亨吉。如有病之人。忽于夢中見康健奔馳者。大凶。夢中言病漸解。畧得舒展者。省後果驗。

針灸

占 夢遇良醫。王中興。永壽之大慶。夢治人疾。王忠諫。劬勞之至仁。

〇〇〇火盜

家內火起

占 夢火焚自屋。火焰炎炎者。大財興旺。老人得之。主病受心症。○夢宅中火發。主家業興隆。○見宅中火光明亮。主吉利昌榮。○夢門上火炎。主凡事閃爍。○夢廳邊燃火。主官居明府。○如夢身被火燒者。大凶。

隋煬帝夜入棲鸞院。是夜天暑。院妃慶兒臥簾下。睡中驚覺。帝自扶起。久方醒。問之。慶兒曰。妾夢帝握妾臂。同遊至第十院。坐殿上。俄而火發。妾見帝坐烈燄中。驚呼人救。方覺。帝強解曰。夢死得生。火有威勢。吾居中有威也。及幸江都被弑。帝入第十院。居火中。一如所夢云。

鄰舍火起

占 夢鄰家火發。延燒已房者吉。不燒已房者無利。避隣家火者吉。救隣家火者失威。
黃芸。豐城人。夢鄰家火起。延及倉皇戴斗。登山而避。山上冠冕者。迎酌之。已而見門外一赤馬。遂乘

之。而竊童僉憲解之云。火者文明之象。應為丙丁。赤。火色。馬。應為午。戴斗。魁在頭上也。黃。至丙午鄉試。果中江西詩經亞魁。

物被火燒

貞吉 否凶
夢火燒天。主天下太平之象。○夢火燒地。主疾病纏身之占。○夢火燒日月。主貴人助力。○夢火燒河水。既濟之兆。主命壽長永。○餘凡燒貨物。皆主吉占。但燒而火不透發者。非祥。烟黑色者。病至。○被火燒破。主妻病。○夢身被火燒死。主大發之徵。

物中火出 吉

占 夢木中火出者。大吉。夢柱頭烟起者。有憂。夢凡器物中火起。有光者。事通達。有烟者。事遲滯。

把火燒物

占 夢把火燒門者。家興旺。匪德之人。家門滅。夢把火燒器物者。主凡事有光。夢把火燒井者。有病至。夢

夢林玄角

卷十一 火盜

六

夢占

曰 把火燒灶者無財采。燒滅他家其家被害。

魏崔浩將害李順夜夢以火焚順寢室火作而噴。此輩吾賊也以戈擊之悉投於河以告館客馮景仁。景仁曰此真不善也夫以火焚人暴之極也厲階成矣公其圖之。浩曰吾方思之而不能悛後竟坐暴揚國惡以至於族。

持火照物

占 夢執火乘行爲官祿之兆。夢執火行路爲通達之兆。夢執火照人主其人榮貴。夢執火上堂主其家明顯。事吉徵。

宋阮登炳夢毛自知乘獨角青牛以火照交於身上。因自解曰青牛年庚也。火照上乃登炳之義。花甲告周將代毛自知矣。蓋毛自知乃前乙丑狀元也。後咸淳元年乙丑果狀元及第。

看放烟火

占 夢此者主百事憂散病除大吉之兆。

盜賊入室

占 夢入室而去者小吉入室而不去者王家業破耗。

盜賊入市

占 夢趕賊入市出者吉不出凶。夢賊趕入市不出吉出者凶。

趕賊

占 夢與賊趕行大利。夢見趕賊行順吉。夢賊人相引主病至禍臨。

說賊

占 夢人有被賊害者他人有禍。人言報賊主賊害其人。捕捉必得人言有賊來偷。主病至與他人議論賊情者主有是非。奸計不祥之兆。

襄陽張巡官。葬父鄧州北。忽夢其父曰。我葬墓前。夜被賊劫去衣物。今日入城來。停在席帽行。汝宜速往擒之。日出後。捕不得矣。驚起。涕泣未明。扣州門。見節度使。具白其事。立召都虞候。速往捕之。同黨六人。并賊帥之妻。皆獲。引入節變面。訊之。賊曰。今日之事。亦不容隱。必是為地神所訴。某夫妻每劫塚。即攜酒。爇火。諸徒黨。開墓至棺。妻與其二人。遍為斟酌。自飲一盞。妻飲一盞。即以酒灑亡人口中。便云。酒錢何處出。應云。主人出。遂取衣物寶貨。昨開此墓。見棺中人。紫衣玉帶。其狀如生。某依法灑酒云。主人一盞。言訖。亡人笑。某等驚甚。便扶起。唯枯骨耳。遂解腰帶。亡人呼腰痛。某等皆驚懼。馳出。自此神魂恍惚。忽即知必敗。節度立案殺之。

做賊

占 夢身自作賊。主求謀得遂。
 占 夢教人作賊。主與人成事。

殺賊

占 夢統人殺賊。
 占 主事興昌。

〇〇〇恩仇

人感恩

凡人。有陰德積善者。幽冥之中。必有感激。或報以福祿。或報以年壽。或報以子嗣。或救其以大難。每于夢寐之中。來相告語。往事甚多。不可縷舉。如兆此者。須返思素行。有德與否。則兆之虛實。不推可知矣。

劉弘敬。字元溥。世居淮肥。家富。有善相者。見之曰。君壽僅二三年。當盡。弘敬為女嫁。用錢求得維揚四婢。內有一人名蘭孫。有殊色。詢之。係淮西敗將之女。流落無告。其外氏劉也。弘敬乃養為甥。厚資嫁之。長慶二年春。夢一人青衣秉簡拜曰。余蘭孫之父也。感君德難報。君壽當盡。余為君請於帝。後三日。復夢蘭孫。父紫衣象簡。侍衛甚嚴。謝弘敬曰。為君請於帝。許延壽二十五載。富及三代。子孫無

禍。後遇善相者驚曰。君有陰德。宜享高壽。

人復寬

占

凡人罪孽過惡者。冥魂憤恨。至罪惡貫盈之時。必來報復。或致以禍。或促以壽。或破其家。或斬其嗣。或滅其族。如此之類。見于夢兆者。當返

念平昔。果有其孽與否。是固無用占解也。
晉惠公名夷吾。改葬共太子。申生狐突適下國。適太子告之曰。夷吾無禮。余得請於帝矣。將以晉界秦。秦將祀余。對曰。臣聞之神不歆非類。君祀無乃殄乎。君曰。諾。吾將復請。七日新城西。偏將有巫者而見我焉。許之。及期而往。告之曰。帝許我。罰有罪矣。敝於韓。及韓之戰。秦獲晉侯。以歸。晉大夫反首。拔舍從之。秦伯使辭焉。曰。二三子何其感也。寡人之從君而西也。亦晉之妖夢是踐。豈敢以至。乃許

晉

張掖督郵傅曜。考覈屬縣。而丘池令尹興殺之。投諸空井。曜見夢於呂光曰。臣張掖郡小吏。案校諸

縣。丘池令尹興。賊狀狼藉。懼臣言之。殺臣投於南臺空井中。臣衣冠形狀如是。光寤猶見。久之乃滅。

遣使覆之如

夢。光怒殺興。唐末都押衙何郡倚勢凌物。毒殺孔目官宋柔。一夕夢柔向羣大叱曰。吾讐雪矣。遂驚覺。無何。竟以

謀叛為裨將

竇思禮所殺。孟蜀劉義度判雲安。日有押衙覃騰。夢與友人胡

鐵同在一官署廳前。見有數人引入。劉則五木備

體。子然分理。有三五人執對。久而方退。於行廊下

坐。見進食者。皆是鮮血。覃因問旁人。答曰。公為斷

刑。錯誤所致。迨來亦數口矣。遂覺。及早見胡鐵說

之。鐵曰。余昨夜所夢。一與君協。豈非同夢乎。因共

秘之。不

久劉卒。

許州司倉盧彥緒。所居溷。夏雨暴至。水滿其中。須

史漏盡。彥緒使人觀之。見其下有古壙。中是瓦棺

有婦人指爪長五六寸。頭插金釵十餘隻。銘志云。

閉之吉。啓之凶。又有寶鏡一枚。彥緒取鏡等數

夢占

恩仇

九

十物。乃閉之。夕夢婦人云。何以取吾玩具。有怒色。經一年而疹緒卒。
 南宋諸葛覆為九真太守。病亡。惟長子元崇在任。覆門生何法僧。貪其資。與伴推元崇墮水死。元崇母陳氏在楊都。夢元崇還。具述父亡。及身被殺之故。陳氏託姑表弟徐道立訪之。果然。乃收行克二人服於刑。

康季孫性好殺。奴婢愆罪多不免。常病篤。夢人謂曰。若能斷殺。此病當差。不爾必死。季孫即于夢中誓不復殺。驚悟。戰慄。汗流浹體。病亦漸瘳。後數年。有門生竊其妾以叛。追獲之。即並毆殺。其夕復夢見前人來曰。何故負信。此人罪不至死。私豕不合擅殺。今改亦無濟理。迨明。嘔血數日而卒。
 元周又英。好讀。叅同契。晚歲遇仙。期以會在戊亥間。至甲戌。無疾端坐而逝。葬虞山。順帝末年。大亂。盜發其墓。其二子皆夢文英歸語之曰。吾墓被盜。發。盜見吾指甲長。身完好。疑我生人。乃以鎗刺腹。又見有血。皆疑畏。幸不加殘毀。今棄尸某溝中。可往求。改葬之。二子驚寤。往物色之。遂得其尸。腹上

割在焉。乃改葬於獅山。

萬信宣德間。治開封。夜夢一男子。裸身稱冤。自言為祥符氏耿羊兒所殺。屍埋莊後。信驚悟。明日至羊兒家。考驗服罪。人皆異之。

王伯陽亡。其子為之營墓。得二漆棺。相傳是魯肅墓。移置南岡。夜夢肅怒云。當殺汝父。復夢見伯陽云。魯肅與我爭墓。後於靈座禱。上見數升血。疑魯肅之故也。墓今在長廣橋東一里。

〇〇〇殺鬪

殺人

占 夢殺死他人者。兆主大吉。富貴福祿。或血污衣服。主得財利。身自殺人者。中吉。官位榮臨。持刀者。財利。殺傷不忒者。有血吉。無血凶。亦宜詳所殺何人。以五行生剋推之。禍福有準。

被殺

占 夢被他人殺我者。利吉之占。如逃避伏藏者。反凶。被殺而不死者。得財復失。

見殺

占 夢見他人殺人者。主有人送物至。大吉。見他人相殺者。主爭財也。

相殺

占 夢持刀斧相殺者。有血吉。無血凶。夢相殺各自奔散者。主財散。夢他人殺死我。我亦殺死他人者。主爭財。有獲。

自殺

占 夢持刀斧自殺身死者。主得大財。自殺而不死者亦吉。刀傷出血者。財利酒食之事。無血者凶。

斫擊

占 夢與人相斫者。兆主喜事。夢持刀斫人者。主失財。失財。夢被人斫者。主得勢。○夢與人相擊者。主有

權。夢擊人者。主威力。夢被人擊者。兆大凶。夢擊人不着者。失力。人擊不中者。禍去。

高澄當國。有梁將蘭欽子京為東魏所虜。澄命以配厨。欽請贖之。澄不許。京再訴。澄杖之。京乃與其黨作亂。時澄居北城東栢堂。欲受禪。與陳元康崔季舒等屏斥左右。署擬百官。京將進食。王却謂諸人曰。昨夜夢此奴斫我。宜殺却。京聞之。真刀於盤。冒言進食。澄怒曰。我未索食。爾何遽來。京揮刀曰。將來殺汝。澄自投傷足。入於牀下。因見殺。

孫峻初與諸葛恪同受顧命。後因恪勝魏。輕敵。復欲出師。頗失人心。遂構恪欲為變。以討殺之。殿上及峻使呂據征魏。餞之石頭。入據營。惡據軍嚴整。稱心痛去。是夜遂夢為恪所擊。恐懼發病死。

交刀

占 夢與男子交刀。與女子交刀。皆主吉昌之事。與男主得財。與女主得子。交刀而失落者不祥。

射刺

夢我射他人。自主遠行。利吉。夢人射已身。主遠行人至。夢身被人射。中者凶。夢弓弩相射者。有爭訟之兆。○夢被人鎗刺。出血者。必有利事。夢鎗刺他人者。失利。夢人簽刺已身者。子孫昌。大吉。夢刺客持劍來刺者。有禍。夢身為刺客。欲刺人者。主財動。家業不寧。

晉索綝拒趙染干新豐。染有輕綝之色。長史魯徽諫之不聽。敗績。魏悔。遂斬徽。徽臨刑曰。將軍復諫戮忠死而有知。當訴于黃泉。使將軍不得伏牀枕而死。迨染寇北地。夢魯徽大怒。引弓射之。染驚悸而寤。旦將攻城。中弩而死。

朱瑾既除徐知訓。自刎。瘞廣陵北門。徐溫等惡之。發其尸。殺於雷公塘。後溫病。夢瑾挽弓射之。溫懼。網其骨。葬塘側。立祠其上。

梁末帝即位。康王友孜自恃體貌奇偉。又目重瞳子。陰懷覬覦。貞明元年。末帝德妃薨。將葬。友孜使刺客夜入寢中。末帝方寐。夢人害已。既寤。聞榻上寶劍。鎗然有聲。躍起抽劍曰。將有變耶。乃索寢中。

得刺客手殺之。遂誅友孜。

相鬪

占 夢與人相鬪。事吉利。鬪勝者得力。鬪敗者凶。夢家中人相鬪。兆主分別。夢與女人鬪。主口舌。夢小兒相鬪。主鬼祟事。宜鎮壓解禳。

行軍

占 夢軍馬初出。兆為凡事未成之占。夢軍馬齊行。兆為財利倍得之象。夢軍馬回旋。主疾病退除。夢整點軍馬。主鬼祟禍銷。夢軍馬散亡。主凶事除。夢征人退去。主有吉事。征人驟來。主凶惡至。夢身在軍陣中。名利吉昌。夢身入軍營。主得兵權。夢軍馬入城。主福祿喜至。夢軍將至家。主財祿事吉。夢將卒從行。主有喜慶。

交戰

占 夢率軍兵破賊敵者。王所謀遂。所求獲。利吉也。夢與人大戰者。王威名。勝之者吉。戰敗有收者大吉。被軍人圍者。王受困。將軍兵圍人者。王有權。排陣勢者。王事成。學高。夢與鬼神戰者。私事凶。夢見兩軍交戰環繞者。王作亂事。

秦始皇遣方士徐市等入海求神藥。數歲不得。始皇夢與海神戰。如人狀。問占夢博士曰。水神不可見。以大魚蛟龍為侯。今上禱祠。備謹。而有此惡神。當除去。而善人可至。乃令入海者。齊捕巨魚。具而目以連弩。候大魚出。射之。自琅邪北至榮成山。弗見。至之。果見巨魚。射殺一魚。遂平海西。至平原津。而病。

〇〇〇 毆詈 咀呪附

打人

占 夢人打者。王得人力。夢打人者。王已失力。

宋榭夢內中有一人着赤衣。榭手把兩杖極打之。問索統。統曰。內中有人。肉字也。肉色赤也。兩杖。筋象也。極打之。飽食肉也。俄而驗焉。

交力

占 君子夢之。效先賢之擬議。成後進之上征。小人夢之。因効勞之爭先。得功成之美譽。齟齬夢之。乃昨宵之嬉戲。暨明旦之歡娛。疾病夢之。乃藥餌之却攻。有痊安之功效。夢與亡故之人相打交力。王病患。夢與鬼崇交力。王盜賊仇讐。

自打

占 精液不和。故有此夢。嘗有夢此。而醒來疼痛異常者。或曰。因是夢而有是悔。非也。因血氣之比。而不周。神覓恍惚。於寤寐見之。善調理者。無是耳。

被毆

占 鄭昌圖登第。歲居長安。夜後納涼於庭。夢為人毆擊。擒出春明門。至合大路處石橋上。乃得解。遺其紫羅履一隻。奔及居而寤。甚困。言於弟兄。而牀前果失一履。旦令人於石橋上追尋得之。

相罵

占 夢聞外人相罵。而開戶視之。主鄰里親友之事。○夢閉戶不見其形。但聞其聲。主他人與已無干。與○夢身出與人相罵。詈已伸彼屈。主吉兆。○夢詈罵有人勸解者。大吉。○夢人相詈罵。而身勸解。辨和者。主和合無禍。○夢相詈罵。無人解勸。而已被毆者。主得人力。○夢畏惡罵詈。而隱遯者。主受怨生仇。又當以所隱避之所在。何處。有何辭語。細推凶吉。

罵人

占 此因肝肺之氣。邪客于經。而形諸魂夢者也。凡夢中罵詈。皆非吉兆。推占所罵為誰人。便知所係在何事。○夢中所罵。若外人平日不相識者。主受他人欺侮。○罵朋友者。作事屈而不伸。○罵妻子者。

日 主失財物。○詈罵父母兄弟者。家中有禍患。○罵衣服器皿。主夫妻反目。○罵亡人鬼崇神佛者。主患病患。

被罵

占 夢為天神鬼崇所罵。主訟事。○夢亡故先靈罵者。主作事差誤。○夢尊長上入罵者。主風寒之疾。血氣不和。○夢妻奴下賤鄰里朋友罵者。主受怨。○若夢帝王叱罵者。得遂志功名之吉兆也。

咀呪

占 夢身向神前呪咀他人者。主大禍將作。○夢人呪咀已。或人報言某人咀呪。必以所言細推。凡夢呪罵。以音聲字畫推詳。或已身。或他人。或凶或吉。事有不同。舍利從義。斯獲吉矣。

刑獄

勘問 被人勘問

夢人勘問。必驗于將來。夢勘問他人。乃受冤害之鬼。借夢伸訴也。真德秀曰。程二殺害旅人。伏屍厨下。鄰舍莫能知。吾夢勘問云。二十年前事。旦審露無辯。嗚呼。聽訟必使無訟。而後天下治。非此夢。則竟成疑獄矣。程二編管入建昌。紹興中。辛次膺為湖襄提刑。至武昌。岳少保飛通謂。執辛手曰。前夕夢中丞推勘。驚寤不敢告人。而津吏適報公至。公他日必為獨坐。願公救護之。後數年。岳罷。副樞奉朝請故部將。上貴迎秦檜意。告飛謀叛。繫大理獄。命新除中丞何鑄勘。

枷鎖

凡夢受刑。皆係命中星宿。或驗在旦夕。或驗于數年之後。如能因夢而自檢其行。守死善道。則又有受赦之幾。存乎其用心之所自至。○夢身被枷鎖。拷吊。主癰疽發背大病。○夢他人枷鎖。入已宅中。主禍事至。○夢手枷鎖。拘係他人。主他人被害。一非勢利在身。得以報仇雪耻之兆也。○夢枷鎖損

占

非失。落為怨。解禍釋。然亦非吉祥。但其災患稍輕爾。斛律羨金之次子。光之弟也。以合門貴盛。深用為憂。尤在鄴。羨使人騎快驢往還。無日不得音問。二日鄴使不至。家人乞養。夢羨被枷鎖。勸速走突厥。羨不從。占其夢曰。枷者。加官鎖者。利鎖。吉利也。然不能無疑。乃令在州諸子鎖頸乘驢出城。合家泣送之。曰。晚而歸。以為讓厭。及光為祖。挺輩所害。勅中領軍賀拔伏恩等十餘人。驛捕之。伏恩等既至。門者白。羨曰。使人裹甲馬汗。宜開城門。羨曰。勅使豈可疑。拒出迎之。遂見。執死於長史廳事。

綁縛

凡夢在官用刑。皆凶兆。而私自綁縛。其驗尤凶。○夢手執繩索。緝繫人于內外。主勞怨煩惱。○夢被人緝縛。主疾病。○夢與人聯繫索縛。主有大災。必其人平日所為。謬妄或動作有非禮。或言詞有非義。禍患將及。幾兆見於夢寐之中。脩德辨惑。而化災為吉者。有之矣。

占

隴西李梢雲性誕率好縱酒其妻夢捕梢雲同數十人裸以娼伎悉被髮肉袒以長索繫之連驅而去號泣顧其妻別妻驚覺因為說之而梢雲夢亦相符遂斷葷持金剛經者三年後以夢滋不驗梢自縱怠因會中友人逼以酒炙梢雲遂復縱酒肉明年上巳與李蒙裴士南等十餘人泛舟曲江中盛選聲伎歌飲流連自午至暮大風忽作其舟即覆與眾客諸伎皆溺於水竟驗連驅之夢云嗚呼彼梢雲者掩身受誡是時弗與于舟中則雖命祿俱盡得死爛下果何如乎

拘錄

衡州熊象山刀筆吏也性好義嘗為人雪寃却其酬謝五十無子進香泰山夢按察使差吏拘審百餘人中有一同里相知者用刑最嚴外數人哀哭人訴吏呼象山曰余愛爾德不錄放出驚寤以問諸侶諸侶曰吾輩亦夢拘錄象山不悅曰不錄吾將死夫次日眾登舟渡江獨象山疾臥店舍俄大風覆舟及暮象山體健安行進香而返後育二子皆貴顯

鞭杖下人

占 凡夢自身坐于堂上命人鞭杖答責他人者主虛費精力之兆

被人笞杖鞭撲

占 夢此者當以責之重輕與其數目推之○夢此不疼痛者主得人力扶助○夢不滿十百之數者小此而數至百十二之外及疼痛異常者大凶○夢僕陽縣侯夏侯道遷以長子夫好酒不欲傳授國封及道遷卒夫居喪不戚費產肆飲忽夢見征虜將軍房世寶至其家廳事與其父坐屏人密言夫心驚懼謂世寶尊官少間必擊我也尋有人至云官呼郎隨召即去遣左右杖之二百不勝痛楚大叫而寤汗流沾席次早趨卓詣之見其衣濕謂夫曰卿昨夜當大飲溺衣如此夫具陳所夢夢後二日而死視其尸體大有青赤杖痕寶祐問陳統制在城隍廟夢數卒押王都統至庭下鞭背覺以語王王怒叱之未半月王疽發于背

夢林

牢獄

數日始愈。

有夢此而後驗與夢中無異者。是其心志之訛。行言之失。將被天譴。豫兆于未來也。有夢此而反為吉兆者。是其平日無過。而晝夜陽陰。每每相反。天錫此夢。以警誠其言。行也。有夢此而疾病否咎。微難小悔。驗之者。是其星辰命運。正值凶災。而作事不犯罪。律故也。

訟訴

非禮弗履。無過與愆者。不應此夢。○其遭逢不偶。有心所不欲。不得已而為之者。○有情欲所至。不知其非。而為之者。○有受人之托。知其不可為。而為之者。○于是情有所不安。氣有所不和。志有所不遂。而訟訴見於夢中矣。夢羸則吉。夢敗則凶。宜因其辭。合於事而推占。太平廣記曰。盧叔敏赴舉早行。為賊所殺。緡氏尉鄭楚夢叔敏披髮流血。訴被賊殺。問其由曰。賊今捉未得。乃牽一白牛。跋左足。曰。可記此牛。明年月一日。賊牽此牛。過西郭門。鄭寤。牒訪賊。不得。三期。果有牽白牛。跋足過郭門者。擒之一。鞠即服。

罪人

夢官衙丹墀。兩旁拘繫罪犯。據其姓名為何人。則知其人病患死生矣。○夢解審罪犯入衙門。職行過途中。反為吉兆。○夢罪人走入家中。主疾疫災患。○夢身犯罪名。當占其字名凶吉。○若出行道。路。夜夢罪犯同行來往。須防盜賊奸細。火圍証陷諸等。必於戒嚴之初。豫備之。

羈繫羅網

身入羅網。有計難逃。逃脫羅網。有禍得消。

炮烙烹炙

夢身體被人火炙。汗血淋漓者。大吉。主一有財喜之事。如受冥司炮炙之狀者凶。

夢林玄解

卷十一 刑獄

夢占

釋赦

夢天使大赦。主年豐家富。壽永病痊。○夢身犯罪孽而被赦。解釋。主患息災消。病除憂散。○夢他人拘繫枷鎖。忽得放釋。赦罪。主吉祥之象。○夢施恩大赦。而獨有不赦者。主彼惡疾暴卒。○夢特恩解。放釋。赦。主大吉之兆。

逃竄

平日無事。患而忽作此夢者。主仇讐謀計。○值災難疾病。而夢此者。禍患解脫。身體痊安。○夢下人逃竄。必是彼生反心。○夢逃逃不脫。主有禍難消。○罪犯逃入家中。主盜賊疫痢。○夢逃入深山窮谷。前後無路。或逃入陋巷坑廁。左右無門。主疾病死亡。○夢逃于曠野高山。田園寺觀。皆為吉兆。○夢乘舟。騎驢馬而逃者。以其所止而見吉凶。○夢逃竄被捕捉者。大凶之兆。

勸解和息

口舌爭鬪。夢此主和議吉祥。○無訟事而夢此。主人情弗睦。○患病者夢此。病痊。○文場舉試。夢此不祥。○兵戈甲冑。巡戢捕盜。而有此夢者。大凶之兆。死期將至矣。

代罪

吳隱被誣。罪大辟。子丘。夢鄰胡黑子代綁。起解。丘以語胡。胡曰。十月遇赦。及冬果驗。

哀呼求釋

王吉。字元貞。鄂州人。父為洛陽大商。隨父入洛。師方侯俊。甚敬愛之。錦鄰魚筮犯花石工罪。繫獄。夢王吉為侍御。史遣書縣尹。縣尹釋筮罰金贖罪。是夜王吉夢。衣錦袍。登堂。與樞密使對席坐。講釋魚筮之罪。花石剛使怒曰。元貞分上。魚筮罪坐。下官。眾吏椽跪。稟哀呼。覺以告其師。師曰。魚氏疑獄。他日爾登第。可驗此兆。未及旬。魚筮納金贖罪。後王吉為定康。泰軍。魚筮被盜。誣告反坐。其妻求于王吉。吉遣卒遺書釋之。方侯俊曰。昔日之夢。今始驗矣。

夢木玄解

卷十一 刑獄

六

夢占

崔圓少貧賤。依親李彥先。彥先時為刑部尚書待
之不甚加禮。一夕夢人怪枯其背。百人為兵擁入
大府。呼姓名。領過。判云。准法。彥先親見紫衣貴人
據案中坐。乃圓也。遂躍出。哀呼。貴人曰。李彥先特
收禁。流汗而覺。自此方厚待之。因薦于楊國忠。遂
以知留後。旬日拜相。京城克復。彥先坐受偽官。與
陳希烈等二百人俱合誅死。時圓為中書令。詳決
之際。以姓名呼過。判云。准法。彥先大呼曰。相公獨
不憶昔年耶。圓乃悟。遂判李彥先收
禁。具表其事。請贖罪。許之。得流嶺外。

〇〇〇喪葬

右喪大吉

夢此主得白之兆。帝王夢之為中興之王。將相夢
之為太平之象。士庶夢之得貴顯。商賈夢之得大
利。訟者夢之為理勝。病者夢之為壽。後惟為子者
夢之不祥。亦必以所居何人之喪。及其歲月之象
而占之。

玄宗嘗夢落殿。有孝子扶上。他日以問高力士。加
士云。孝子素衣。此是韋見素耳。帝深然之。數日自
吏部侍郎拜相。

弔喪大吉

志在安民。夢行弔于鄉邑。欲圖貴顯。夢奠慰于
家。執香稽首。是孕育孝慈之兆。撫棺哭踊。乃獲人
財利之徵。不到喪家。不改服。須詳所弔
誰家。又無虛座。又無棺。只恐所求不遂。

行喪凶

欲求榮顯。欲求名。夢見行喪主。貴徵。商賈夢之財
利去。疾軀。夢見看誰行。答是父母丈夫病。寤來妻
子淚盈盈。夫夢妻喪親。
夢子破家亡產。禍非輕。
施盤。吳縣人。已未殿試。畢。夜夢一棺前行。後有百
人隨之。號泣。心頗異之。明旦傳臚。槃狀元及第。而
是科所取進士止百名。後施入
翰林。甫半載而沒。其夢果驗。

夢占

喪葬

夢占

送喪 凶

占 號咷慟踊。夢主佳祥。鼓吹旛旌。兆當殯殮。凡有送喪之夢。必為虛費之徵。但占殯是誰家。又看身穿何服。

殯葬 吉

占 殯者會際賓興。葬者黃金入櫃。金井龍池。玉城馬奔。前有案而後有靠。下有土而上有天。祀享千秋。安藏萬載。此殯葬之恒理。乃夢寐之吉徵。平民得之。立業成家。仕宦得之。高名巨爵。秦少游夢發殯而葬者。是劉發之柩。是歲劉發首薦。

送葬 吉

占 凡占此夢。皆主吉昌。但以誰家之柩審之。則知所驗何事。若夢巨室之殯。而己身麻免齊衰。主荷蒙恩德。夢身華服。主彼有喪事至。若夢鄙陋之柩。主貨財生息。若夢親友。又以他事推之。或所驗與夢

中無異者。有之。

請葬 大吉

占 但占夢請是何人。便見驗吉在何處。

溫序字次房。為護羌校尉。死節。世祖詔葬洛陽城旁。長子壽為印平侯。夢序告曰。久客思鄉。壽即棄官上書歸葬。

李德裕既沒。見夢於令狐綯曰。公幸哀我。使得歸葬。綯語其子滴。滴曰。執政皆憾。可乎。既夕。又夢綯懼曰。衛公精爽可畏。不言禍將及。遂告於帝。以喪還。

周大雅赴省試。道宿山寺。夢一人緋袍橫馬。謂曰。某沉淪於此三十年。君能舉我。瘞之前。岡梧桐樹下。吾能使君登科。且與君世為婚姻。既覺。見鄰壁有一柩。問寺僧。僧曰。此廣東李通判柩也。三十年餘。無人問者。大雅乃自以為姻親。遂買前岡地葬之。試前一夕。有人推門饋經義三首。忽不見。及人

試。正此題也。遂得中式。後為子娶。廣東巨族李氏。考其祖。即通判云。

殯墓不見棺槨 大凶

占 夢此者必有禍至。若有鼓吹亭臺者。家破身亡。嗣絕。

墓不入土 凶

占 天地容身之象。人之生也。安宅于地土。以容其身。及其死也。神鬼飛而上升于天。軀骸凝而下入于地。焯熯悽愴。百物之精也。隱于山陸之下。而其情和悅。悅其安且隱也。是以有棺槨。坟墓以安之。安葬不在土下。暴露于人間。矣。此曠安宅而不居之謂。

殯止中途 凶

占 此夢。王半塗而廢。失財不吉之兆。嘗有文人夢之者。以訊方外。皆曰。賓興之景象。棺出于路。為官當道之徵。及入試。下第而返。中途遇盜。幾被害。幸獲免。此方外人之言。不可盡信也。歛身脩德。則神天

告之矣。

殯墓於他人墓所

占 非其所而假之以安。不祥之兆。或夢此直叶。其象死如夢中。或驗才學為人愛慕者。

改墓

占 由卑而徙高者吉。官位高遷之象。由大而移小者凶。顛沛流離之兆。

攢柩

占 夢主官居當道。財藏不露。幾務得人贊合。儀容暫寓保安。目前之事已寧。日後之基未卜。

啓攢

占 縉紳夢之。得起官蒞任。平民夢之。身利俱發。若其家有先柩攢于外土。為直叶之夢。當以景象音聲識兆。占其年月日時所在。而推之云耳。

人死

占 夢撫抱死尸主財利。夢尸骸遍野主荒亂。夢帝王崩者吉昌。夢父母兄弟死者主疾病。夢親族友人死者當細詳之。其驗不一。惟夢嬰兒死者。爭訟除。鄰里安。產母無瘥。又有直叶之夢。

身死 吉

占 恒人有言曰。夢悔得貞。夢死得生。凡夢身死。必有吉慶。河歟。其鬼安也。雖然。夢死他鄉。其後果驗。夢死人手。其患匪輕。夢移尸而驗。改居。夢易簣而危。且夕。因其心之所知而推之。

人言死 吉

占 夢見人言他人忽死者。兆主長命。夢人言報某年。月日死者。且叶。夢人言死而似死非死者。主得官祿。

范式山陽人。與汝陽張邵相友善。一夕范夢張報言已歿。期于五日。葬于祖墓。專候托母妻之事。式

告死

至汝陽邵方舉殯。拒阻不行。式哭踊執紼及壙。人問之曰。千里生歿之交。告他人死。告已身死。

占 夢身無故而告人曰。將死者。當以其象與數推之。驗在何年何月。夢無故而人告曰。死者。當以其姓氏名號推之。死者。使也。殺者。役也。告者。吉也。其將有所役使之。幾乎。若夢父母妻子告死者。有凶無吉。

死人

占 夢死人忽似活人者。兆主遠信。即至。○夢死人聚眾無言。主天時陰雨。○夢死人罵詈者。吉事。○夢見死人飲食。主病至。與死人同食者。又為吉占。○夢夢死人出指者。喜事。出血者。有財。○夢死人尸骸臭爛者。兆獲財利。○夢死人立者。凶。去者。吉。○夢手弄死人。主分別。○夢抱死人而哭者。吉。笑者。凶。○夢死人笑者。病除。哭者。病至。○夢燒死人。臭穢。主年時大旱。○大凡夢見死人。喜利。若多。如已歿。

死者求生

之人每于夢中見之。至多憂鬱事。非吉兆也。若夢中暗晦。但見死人吹噓。氣入身口中者。大凶之兆。

占 人之死也。鬼離其鬼也。其靈在人側。不知其死也。無所依倚。乃知非生。向人求生。求之于夢寐之中。

曰 夢見之者。當推其言而詳之耳。

顏含兄譏咸寧中得病。就醫遂死於醫家。家人迎喪。旛每繞樹不可解。及還。其婦夢譏曰。吾壽未終。今當復生。可急開棺。其夕母及家人并夢之。及發棺。果有生。驗以手刮棺。指爪盡傷。但氣息甚微。飲哺累月。猶不能語。飲食所須。託之以夢。割侍養。十有三年。足不出戶。

死者復生

占 凡夢亡故之靈。自言復生者。是其人再世而已。夢之也。夢未故者死而復生。主病瘳之兆。身忽死而復生者。福來壽永之瑞徵也。

收拾殯殮

占 夢人來殯殮已身。主際遇安樂。服食豐隆。○夢已殯殮他人。主獲財利。增壽加官。○夢見他殯殮成服。主身康壽永。

修整坟塋

占 凡夢墓塚毀壞。必有不吉。夢修整加土。葺埋培植。主立業興家。患病。夢之。亦為吉兆。若夢造廠樹屋於祖堂之坵。者。家敗人亡。

祝享

禱獻神祇

國之大禮。莫大于禱祠祭祀。虔誠叩拜。上格神明。盛設牲帛。下通泉府。受齋誠于夷。陳禮儀于旦暮。夢此吉兆。驗主榮華。列祈仰之忱。享天人之祐。○夢行郊社之禮。建功勳如反掌。○夢作五祀之

曰儀。樹恒產以榮身。病假此以痊安。禍因茲而銷散。○夢宰牲而不成。獻祀者。主憂患將作。○夢焚香。焚帛。行裸。受福。送服。鳴鐘。擊鼓。設樂。皆大吉。

祭奠 人奠或已奠人

占 夢奠。祖考。寔為人子之孝心。○夢奠親鄰。乃為人友之大事。○夢受他人之奠享。自當驗于身後。○夢辭祭奠之禮儀。將果見于人前。○宰牲設奠。詳觀所享何人。焚帛拈香。但看所稱何氏。仲尼夢坐奠于兩楹之間。寤而嘆曰。殷人奠于兩楹之間。某殷人也。夫明王不作。天下其孰能宗予。殆將死也。遂七日而逝。

擺設楮帛芻狗

占 高燭煌煌。香馥馥。金錢粲粲。帛齊齊。阿暗中物。不期而自至。時揚品類。暫列以少伸。寐寤度恪。必驗將來。儀貌音聲。豫幾未卜。佳祥。因時以占。夢災患見影而知幾。

魏文帝以周宣為中郎屬太史。嘗問宣曰。吾昨夜夢見芻狗。其占何也。宣曰。君得美食耳。有頃出行。果遇豐膳。後又問曰。昨夜復夢芻狗。何也。宣曰。君墮車折脚。宜戒之。果如宣言。後又問。昨夜復夢芻狗。何也。宣曰。君家天火。當善護之。俄遂火起。語曰。前後三時。皆此夢也。聊試君耳。何以皆驗。宣曰。此神靈動。君使言。故謂真夢。無異。又問曰。三夢芻狗。而其占不同。何也。宣曰。芻狗者。祭神之物。故君始夢。當得飲食祭祀。既訖。則芻狗為車所鑠。故中夢當墮車折脚。車鑠之後。必載為樵。故後夢憂失火也。

祝禳飲福受胙 大吉

人君夢之。萬民安泰。五穀豐登。臣宰夢之。三生有幸。九族既睦。富家夢之。神明護祐。安享榮華。貧賤夢之。遭逢際遇。親友扶持。鰥孤夢之。得良偶。獨寡夢之。得長齡。應試夢之。考。郊享祀之。題。待。闕。夢之。授。宗。伯。太。常。之。職。旅。邸。夢之。驗。在。迴。歸。道。路。夢之。兆。在。旦。夕。罔。圖。夢之。遇。赦。戰。陣。夢之。凱。旋。未。有。

不吉者。

奠享祖塋

繙神夢此主受封加贈御祭焚黃幼學夢此主博見多聞進取高捷平民夢此主財盛身康嗣賢族睦夢已身者驗在自已夢他人者驗在他家夢他人來祭其祖堂又當以姓名品物推之夢家族祭墓而已身懽笑坐立于旁者非佳兆也。

設醮誦經功德懺悔

占 巨室作此夢主布緣施舍奉教弟子作此夢主化災為福暮年衰老作此夢主延齡永筭童僕奴婢作此夢主家行此事途中旅舍作此夢日後見此事宜恭行禮叩。

祈晴禱雨 吉

占 此夢主爭光日月。際會風雲之兆。

蜡獵迎神賽會

占 此夢主神祇出遊巡察人門禍福若其人因夢所見而改過從善行義無忒天必祐之。

禳祝見神鬼形

占 見其形不聞其聲宜審所夢為何神。夢其神因聽其言語宜明識而遵行。

祀享餞餘

占 夢此主受神人扶助之象。○夢祭禮畢焚帛而弗裸主行事失敬被譴。○夢裸弗焚帛主有小悔。○夢盛饗設樂而弗裸無帛餞餘惟已一身。或衆工雜劇而已弗與皆有始無終之兆。

巫祝僧道餞胙

占 此夢主貨財分散宜以衆人之所言所作細推之吉無誤矣。

齋戒備祭禮

占 遵禮法于虔誠之始。敬神鬼于未祀之先。此正人君子之夢。其吉不待占而見之矣。

〇〇〇 酬酢 盟誓附

交易

占 夢與人交易買賣。主疾病將至。詳交易何事。買賣何物。賣凶者福。賣吉者禍。買凶者禍。買吉者福。隨事隨物。各以類占。又宜詳與何人交易。是存是亡。已亡者凶。生存者無咎。

呼召

凡夢有所呼召者。不論神人。宜詳所命呼召者。是何人物。及呼召者。有何事因。如貴者呼召。主驚喜。王者呼召。主爵位。貴女呼召。有疾病。公侯呼召。有酒食。太子呼召。有喜慶。玉女呼召。大利吉。至人呼召。小宴會。青衣呼召。主福祿。白衣呼召。主歿亡。外人呼去吉。人招不應凶。諸如此類。非可盡述。畧舉其概。占夢君子。隨幾詳審。吉凶可例矣。

秦彥者。本名立。隸戎伍籍。乾符中。以盜繫械且死。夢人呼曰。秦彥。汝從我去。寤而視械已破。因得亡命。更名彥。後乃成功。

北魏武帝諱脩。遍體有鱗文。年十八。封汝陽縣公。夢人呼其名曰。汝當大貴。得二十五年。高歡既敗。爾朱氏諸王皆逃匿。時帝在田舍。歡使斛斯椿求帝。得之。遂迎入立焉。及帝西。宇文泰遇醜而崩。時年二十五。

苻秦徐義為尚書少奉佛法。時兵革蜂起。賊獲義。將加害。乃埋其兩足。編髮於樹。至夜。義專念觀世音。有頃。忽夢人呼之曰。今事急矣。何暇眠矣。義便驚起。見防守者並疲。乃試自奮動。手髮既解。足亦得脫。而遁隱草中。少頃。便聞追者交馳秉炬。無見者。迨明。賊散。義歸投鄴寺。遂得免焉。

張洞初以太常博士出知棧州。夢人稱勅召。既出。如拜官。然顧視旌旗吏卒羅於庭。及後為江西轉運使。移淮南。轉工部郎中。夢復如初。洞疑已不復。永年。教諸子部分家事。未幾卒。年四十九。

酬酢

夢占

賜獻 辭受 餽送

夢人賜物。及與物。餽物。贈物者。皆當詳是何物。物
佳者。吉。物惡者。凶。或辭。或受。有禍。有福。通變推之。
方能。有驗。○夢獻物。及送物。還物。與人者。亦當詳
其物件。以意推之。吉凶可見。大抵獻惡物者。吉。獻
美物者。主自失利。或人辭不受。退回其物者。主
事有所敗。或人云。還汝之物者。主事終得理。

占

迎送 邀接

夢迎人入門者。主大吉。夢人迎已者。有吉。有凶。夢
見鼓吹迎人者。主其人貴顯。見儀仗迎人者。主其
人病亡。夢人邀飲者。主悲事。或見邀者。非世人。必
主邪祟。夢貴人接已升。高者吉。夢張樂送人。主其
人喜事。夢擔囊送人。主其事
有阻。夢人送已者。大不祥。
劉穆之。夢有人稱劉鎮軍相迎。占之曰。吾死矣。
今豈有劉鎮軍耶。後宋武帝遣穆之。其定大業。武
帝時為鎮軍將軍。

占

御史中丞薛存城。元和末。由臺丞入給事中。復亞
臺長。臺吏夢僧童數十人。持寶幢。謂吏曰。中丞元
是羅漢。謫來俗界。五十年足。故
來迎耳。未幾。薛卒。年甫五十。
盧尚書貞。猶予為儻。會昌中。沙汰僧徒。斥歸家。以
蔭補光王府參軍。夜夢八面屯兵。千乘萬騎。旌旗
日月。衣裳錦繡。儀衛四合。軍中人喧
言迎光王。驚寤。宣宗果自光邸踐祚。
栢誓字明期。居豫章時。梅玄龍為太守。先已病。誓
往省之。語玄龍云。吾夜夢君遣人迎我。云二十八
日。君當拜。二十七日。栢忽
暴卒。二十八日。玄龍卒。
唐開元中。宮禁有美人。忽夜夢被人邀去。縱酒密
會。極歡而歸。自此流汗倦怠。後因從容奏之。帝。帝
曰。此必術士所為也。汝若復往。但隨宜以物識之。
其夕。熟寐。飄然又往。美人半醉。見石硯在前。乃密
印手文於曲房屏風之上。寤而啓帝。乃潛以物色
令於諸宮觀中求之。果於東明觀得其屏風。手文
尚在。所居道士已遁矣。

宋治平中。士子李權。夢人張樂。送之於虎頭洲上。俄而登科。蓋虎頭。虎榜頭也。

謁訪

占

夢來謁訪我者。詳其人。審其名。吉凶自見。夢已謁訪于人亦然。詳審其字。可卜榮枯。

元和六年。韋詞為宛陵廉使。七月。夢一人投刺。視之。瞭然見題。其字曰李。故言俄有人言明年狀頭。詞既寤。以名中少有故字。疑之。至榜後。果有取解舉人。具名投刺。一如夢中。但故為固耳。詞乃慰之。

曰。明年必擢第。仍居眾君之首。無何。果為榜首。

宋廖德明。少夢懷刺。往謁大乾廟。廡下。謁者索刺。出諸袖。視其題字云。宣教郎。廖遂驚覺。後登第。改秩。以宣教郎宰閩。諸逐者及門。思前夢。恐官止此。不欲行。親朋勉以不足芥蒂。德明乃之任。後把麾。持節。官至正郎。

讌會

占

夢鳴鹿于瓊林。盛饌第及恩榮。○夢劍鸞于玉母。瑤池壽延人瑞。○夢亡靈之序飲。風雨妖邪。○夢妓娃之合歡。病瘵口舌。○夢侯王對飲。顯榮祿位。○夢仇敵而舉盃。斟酌和諧。

王播少貧賤。居揚州。無人知識。唯一軍將。常接引。杜僕射亞。在淮南。端午日。盛為競渡之戲。諸州徵伎樂。兩縣爭勝。負。綠柳照耀江水。數十年未有也。寓揚州之客。盡得預焉。崔王不得見招。惆悵自責。軍將曰。某有棚。子弟悉在。人郎但於棚內看。却勝居盤筵間也。王曰。唯。遂往棚。軍將令送法酒。一盃。王方憤懣。自酌。遂就枕。即夢身在宴處。居杜之坐。判官在下。多於杜公近半。良久。驚覺。亦不敢言於人。後為宰相。將除淮南。兼鹽鐵使。當時夢中判官。數多一半。即兼并鹽鐵從事也。後至五月上旬。臨江宴會。賓介皆在。乃思昔夢。風景氣候。無不皆同。柯潛常夢禱九里廟。與賓友讌會。柯坐首席。寤而識之。後果中狀元。符夢兆云。

盟誓

麗在晉豪俠好飲遊燕山夜宿妓家妓姊次麗姿
 年十五善歌舞麗見而悅之遂約私合其鴉不知
 也麗姿夢與麗誓曰愿十世為夫婦百年同几席
 而今而後麗姿更侍有如此盟次夕以告麗麗曰
 吾夢亦誓然三夕而麗之冀州有外戚招麗姿麗
 姿宿焉夜夢被杖三百次日嘔血而卒在晉聞之
 披剃為僧

〇〇〇起居

聚別

賢愚乍會于日下利用有孚少長咸集于目前朋
 來無咎顯者夢之有慶隱者夢之無妨乍合乍離
 頃聚頃散彼云有故而告辭此乃無因而分別夢
 諸老者有數夢諸少者無緣或遠遊于異鄉或冥
 歸于下府即時歲以占
 夢想惟語言而辨吉凶
 安西張氏女國色也嘗晝寢夢至一朱門榮戟衆
 公卿咸集出女伎張女與焉且教之琴箏琵琶命

歸辭父母既覺述所夢及期果卒會昌二年
 十月十五日也此夢聚來生而別父母也
 江式少專字學數年中嘗夢兩人時相教授及
 寤每有記識此相聚道義之傳而授無誤也
 宜都王肅鏗年十歲出閣陶弘景為侍讀八九年
 甚相接遇鏗至十八歲飲藥卒時弘景隱山忽夢
 鏗來慘然言別云某日命過無罪後三年當生某
 家弘景訪以幽事多秘不出覺後即遣信出都參
 訪果與事符弘景因著夢記此既
 別而托象以期後世之相聚也

叩首

夢人叩請或叩招或叩對或叩謝或叩領或叩謁
 皆主榮顯喜慶○夢人叩別或叩辭或叩訴或叩
 告皆主不祥○夢叩祝又聚眾叩首迎迓宜因其
 所處而占之夢向人叩首者陽德下濟元氣發動
 萬事亨昌百為
 遂利佳祥之夢

揖拜

占 夢此主更易之兆。若夢平日同居常會之人。頓首稽首。乃別離之象。或生離異處。或死別殊途。吉凶未可槩論。若其人久別他鄉數年。不會。而夢相揖拜。佳期在邇矣。

站立

占 此立身成業之兆。但宜以所立何方。而占其凶吉。

奔趨

占 夢趨走于殿廷。主建功家國。○夢奔馳于途路。主勞役村居。○夢走山林曠野。主世亂之將作。○夢步第堂居室。主家務之多煩。○夢踰垣而疾走。主顛沛以憂疑。○夢驚駭以難奔。主敗亡而殞。○夢人追逐急奔逃。主患生于旦暮。○夢人扶佐徐行步。主神保以康寧。

着屐

齊高帝夢屐而登殿。顧見武明二帝後。一人手張天地圖而不識。問之。荅曰。順子後。說者以為梁武

嗣齊之兆。

謝安入相。夢與人奕大勝。着屐趨朝堂。一屐齒折。後秦符堅之敗。聞捷報。不覺屐齒之折。

坐席

王邁乞夢九仙廟。夢登一閣。上人四席。邁據其首。童子謂曰。君當坐第四。次年入試。初擬首卷。移至第四。

羊仲睦家貧。夜臥牛皮。其妻夢睦坐竹席。寤曰。夢夫坐竹席上。倘得此席。弗以牛革作被。仲睦曰。明日有人招飲。樂哉。及旦。

林家王母夢坐楊邁金席。席色昭晰。寤起生兒。因名兒曰。楊邁。後為林邑王。時林邑民謂上色金為楊邁金。及邁為王。林邑諱王名。迺稱楊邁金為紫磨金。

余少尹年老無子。夢攜婢入鹽塲。身坐錦席。諸婢立鐵上。一妾坐草中。寤以語妻。妻曰。妾坐草。生

男之兆及為鹽鐵使。至維揚。贖妾生。

寢卧

占

夢中晝寢。是夜光如晝之象。富以敵國。位極人臣。晝寢夢夜者。反此。北魏主拓跋珪母賀皇后。初因遷徙游於雲澤。夜夢日出室內。寤而見光。自牖屬天。歛然有感。以建國三十四年七月七日。生帝。於參合波北。其夜復有光明。蔡君謨守福州。以疾不視事者累日。每夜夢臥樵樓鼓上。疾愈。與府判言及連日不打三更鼓事。云。數夜有大蛇盤鼓上。司鼓去不敢近。故也。君謨始知已為蛇精。

呼號叱咤

占

夢此主驚疑愠怒之故。耆耄夢之。驗在子侄。冲齡夢之。驗在父兄。旅邸夢之。驗在貨財。凡夢女人呼叱。皆主病瘥。而疾病夢呼女人。或被女呼叱。大凶。夢已叱鬼。鬼避去大吉。

咲傲嘆賞

占

夢咲。固非佳兆。咲屬心經。心經氣轉。心笛出聲。主哭泣悲哀。而夢咲。傲者。直驗舒快。○夢嘆。似是有咎。嘆屬肺竅。肺竅氣伸咽喉。唇齒不合。主悔吝怨憤。而夢嘆。賞者。反獲利吉。

哭泣涕淚交垂

占

夢此反為吉兆。或果驗悲哀者。其心不寧。夢想而非。夢兆也。○夢與人對坐流泣。主喜樂事有慶賀。○夢放聲大哭。涕淚交垂。必獲大吉快樂之驗。○夢流淚掩口而走。主兆喪亡。○夢悲哀無淚。或涕泣流血。皆主大凶。

沐盥浴濯

占

凡夢沐髮浴身洗臉盥手濯足。皆主自新之象。自憂去。百事吉。百病痊。○夢於船內。滌體潮面。或坐黑盤中。使人執巾淨手足。帕掩面上。則大凶之象也。

運摩

占 必其明于脩煉調理。有此夢若不知者夢之。主將來得道之徵。

男女裸體相見

占 子女相對好夢嘉祥。命運亨泰。利名吉昌。

身被人騎走

占 受人駕馭。被人驅馳。非馬非牛。受耻受辱。下曰 賤夢貴人騎者。反為吉占。騎在人上者。大吉。

露體上下無衣而走

占 夢此名譽蚤揚于天下。功業超出羣英。曰 出身及第榮祿非常。夢臥暗室中者。反此。

夢林玄解卷之十一 終

